



1.5.301




EUSTACHII  
MANFREDII  
EPISTOLA

*Ad Virum Clarissimum*

DOMINICUM  
QUARTAIRONIUM

Qua Anonymi Assertiones XVI. pro Re-  
formatione Calendarii

*Ab illo impugnatz vindicantur.*



VENETIIS, M. DCCV.

Apud Antonium Bortoli.

*SUPERIORUM PERMISSU.*

115.301



# VIR CLARISSIME.

3

**L**ibrum tuum Romæ nuper editum, quo sexdecim Anonymi assertiones ad Calendarii Ecclesiastici emendationem pertinentes totidem responsionibus excipis, Bononiam misit V. Cl. Iustus Fontaninus ad Illustrissimum Marchionem Joannem Josephum Ursium, cujus doctrinæ, atque eruditioni cum omnes plurimum tribuunt, tum ego amoris, ac beneficentiæ longè plus etiam debeo. Is mihi legendi libri copiam fecit; quam opportunitatem eo libentiùs arripui, quòd aliàs in his ipsis Calendarii rationibus expendendis operam aliquam posueram, postquàm rumor percrebuit Sanctissimi Pontificis nostri Clementis XI. auctoritate nescio quid de Paschalibus Tabulis emendandis Romæ agitari. Nec dissidebor me ex eo tempore in eandem sententiam fuisse faciliè inclinatum, quam ab Anonymo astrui, à te impugnari video; nam & eam gravissimis argumentis niti judicabam, & audiebam probari magnopere viris Chronologicæ rei consultissimis; quorum vel si argumenta non nossem, ipsa auctoritas profectò me commoveret. Horum omnium instar duo præsertim esse possunt. Alter Illustris. & Reverendis. Franciscus Blanchinus ejusdem Sanctiss. Pontificis Cubicularius honorarius; qui justo opere *Paschale* hoc *Problema* complexus, & correctionis necessitatem demonstravit, & rationem ejus novam atque ingeniosam adinvenit; mox autem duabus dissertationibus: de *Cyclis Cesaris & Hippolyti*, nec non de *Numo*, & *Gnomone Clementino* rem totam uberius explicuit; Alter Celeberrimus Vir Joannes Dominicus Cassinus; qui omnium primus, scilicet *Theorie* Christianissimi Regis mandato Romanè scriptis; deinde dissertatione Typis edita, quæ continuatilis Regiæ scientiarum Academiæ anni 1701. inserta est, ostendit in Paschales Tabulas, quæ nunc usurpantur, errores aliquos adversus Astronomiæ præcepta, & Gregorii XIII. mentem irrepisse. Effecit nihilominus, V. Cl. magna apud me tui nominis existimatio, ut ad libri tui lectionem æquum docilemque animum attulerim. Versavi illum diligenter; expendi rationum tuarum momenta; nevé præjudicium aliquod tanti meæ tenebras offunderet, vel de iis, quæ mihi maximè certa videbantur, edubitavi. Sed sive non erat hoc ab ingenii mei mediocritate expectandum, ut argumentorum tuorum vim prorsus assequer; sivetribuendum id est concepta semel opinioni, quam semper ægrè, illibenterque ex animo nobis evelli patinur; seu denique, ut ego mihi persuadeo, vis ipsa veri me continet, neque ad alienas partes transire permittit: dicam apertè me nondum illis, quas assertis responsionibus ed adduci potuisse, ut aut priorem sententiam defererem, aut de ea saltem formidarem. Dissensus mei causas, ut puto, probabiles tecum, V. Cl. bona fide communicabo; neque enim arbitror tibi grave futurum, si quis doctrinæ tuæ amicè contradixerit; neque perditam prorsus operam, si inter disceptationes nostras acciderit veritatem, quæ diù latere non potest, ex alterutra parte se se prodere, atque omni involucri deposito in medium proflire. Itaque Anonymi, quisquis ille est, assertiones a te expensas ad verbum asseram; singulis illis singulas responsiones tuas adnectam; non iisdem ubique verbis, ne nimius sim, sed fideli sententiæ tuæ compendio. Denique dicam paucis quæ potissimum adversus eas pro Anonymo reponi posse videantur.

A 2 I. A.

## I. Assertio Anonymi.

In Tabula Festorum mobilium libro expositionis Calendarii inserta, de qua desumuntur eæ, quæ Breviario Romano inseruntur, ad annum 1700. Epacta inscribitur IX., Plenilunium medium die 4. Aprilis h. r. r., Luna xiv<sup>a</sup> die 4. Aprilis, Pascha 11. Aprilis.

**R**esponso tua eam solummodò assertionis partem respicit, quæ habet, ex Tabula Festorum mobilium libro expositionis Calendarii inserta desumi eas, quæ Breviario Romano inseruntur. Falsum hoc esse ais; Festa enim mobilia inserta Breviario edito anno 1583. desumi non potuisse ex Tabula, edita unâ cum libro expositionis anno 1603.

Verùm si mentem Anonymi ex verbis ejus satis, nisi fallor, apertè æstimare liceat, non ille agit de Festis, quæ quondam Breviario inserta sunt, in prima scilicet ejus editione anno 1583., at de iis quæ Breviario inseruntur, dum in dies novis editionibus Breviarii usus ad alios, atque alios annos extenditur. Cum enim Festorum mobilium Tabula perpetua esse non possit, sed temporaria; qui hujusmodi librorum ad Rem Divinam spectantium impressione curant, in illis ad viginti, triginta, aut plures, paucioresve annos ab editione libri proximè succedentes Festa mobilia describunt, omisiss annis retro elapsis, qui in anterioribus editionibus describebantur. Itaque nullum hîc video inconveniens, si in Breviario anno ex. gr. 1704. impresso, Festorum mobilium ratio ex libro expositionis anno 1603. <sup>evulgato sumi dicatur.</sup> Planè verba illa Anonymi non de præteritis, sed de præsentibus concepta: Sumuntur, inseruntur, non plane esse ejus mentem satis declarant. Non ergo Breviarii nomine intelligendum videbatur illud, quod anno 1583. editum est, ut videlicet Anonymi sententia Anacronismi statim imputaretur.

Urges tamen: Festa mobilia, tam in editis, quàm in edendis Breviariis non aliunde sumpta fuisse, aut sumi posse quàm ex Tabula perpetua Paschali inserta Calendario Gregoriano Romæ edito anno 1582. hoc enim definitum fuisse a Gregorio in Bulla reformationis, ubi habet. *In q<sup>u</sup>â descriptæ sunt etiam Tabule Paschales juxta priscum Ecclesie ritum, quò certius, & facilius Sacrosanctum Pascha inveniri possit: & clariùs in Canonè 6. Calendarii. Utrique Tabule Paschali generalis præposita est Tabula Temporalia multorum annorum, & regione quorum omnia Festiva mobilia dicto citius inveniuntur, quæ quidem Tabula ex Tabulis Paschalibus excerpta est, ex quibus infinite alie erui possunt pro quibuscumque Annis, & hac decreta inveniri in ipsius Breviarii Romani initio, ubi de Festis mobilibus agitur.*

Sed quomodo allata, aut Bullæ Gregorianæ, aut Canonum Calendarii, verba decretum aliquod continere dicenda sint, planè non video; neque aliud prorsus significant, si benè perpendantur, quàm Tabulas illas Calendario insertas inservire posse ad Festa mobilia faciliè elicienda, quod utique verissimum est, at non excludit quin liberum cuicque sit ex aliis etiam Tabulis præter illas, dummodo ab Ecclesia approbatis, vel aliqua alia ratione ab ipsis Calendarii regulis insinuatæ absque ullis Tabulis, eadem Festa deducere. Non enim ait Gregorius jubere se ut ex Tabulis Calendario, insertis, & non aliunde, Festa

mobilia

mobilia colligantur. Tantùm ait ex iis Tabulis Pascha dictò citiùs inveniri, easque idcirco appositæ, ut illud certius ac faciliùs inveniri possit, & ex illis possent etiam alias Tabulas extrui, quæ in perpetuum deserviant. Addam etiam tantùm abesse ut ex illis Tabulis Pascha semper inveniri debeat, ut imò inveniri ex illis sine aliarum ope jam non possit post annum 1631. Tres enim tantùm sunt illæ Tabulæ. Prima Temporaria, quæ ultra dictum annum 1631. non extenditur. Reliquæ duæ perpetuæ, sed quæ ad inventionem diei Paschalis non sufficiant, nisi ex alia Tabula Epactam anni currentis deduxeris; qua cognita, potes etiam absque illis Tabulis per eundem Canonem 6. Calendarii Paschæ diem inquirere. Inconvenientem ergo sensum Gregorii verbis affingimus, si ita interpretemur, ut velit Pascha semper deduci ex ejusmodi Tabulis, quarum altera semper non est usui, reliquæ vel insufficientes, vel absolutè superflue esse possunt. Ex adverso Tabula ab Anonymo memorata ad hunc usum sufficientissima est, facillima, & copiosissima, cum usque ad annum Christi 5000. protrahatur. Et durum profectò dictu videtur peccare nos in mentem Gregorii, si Festa mobilia deducamus ex Tabula inserta libro expositionis Calendarii, quem Clavius, unus ex VIII viris Gregorianæ reformationis suasoribus, iisdemque Tabularum Paschalium Calendario adjunctarum Auctoribus, jussu Clementis VIII. composuit; quem ipse Clemens sanctione sua ad calcem tuarum responsionum impressa comprobavit.

Sed videlicet ais in Tabulis Paschalibus tam Perpetuis quàm Temporariis, quæ extant, & fuerunt in Ecclesia, & apud SS. PP. in usu, tam ante, quàm post Concilium Nicænum, nunquam inveniri Plenilunia Media, aut verò; unde patentissimè errare qui dicat Festa Mobilia desumi ex ea Tabula, in qua notentur Plenilunia media.

Ego verò, V. Cl. ut interim concedam quod examinare non vacat, nonuisse antea in usu Paschalibus Tabulis Pleniluniorum, aut Noviluniorum tempora adscribere, non video tamen Clavii Tabulam idcirco minus Paschalem, aut ad inveniendam Festa Mobilia minus idoneam censendam esse, quodd præter Epactas, Literas Dominicales, Aureos Numeros, & Festa ipsa, contineat etiam tempora, quibus Paschalia Plenilunia celebrantur. Imò eò aptiorem, præstantioremque crediderim quodd demonstret Paschales dies quotannis adnotatos, non solum cum Ecclesiæ instituto, sed etiam cum Astronomicis Numeris perbellè consentire. Certè Clavius, cujus auctoritati meritò plurimum tribuis, visus est in ea Tabula construenda omnem operis sui fructum posuisse, neque scio quæ Tabula ad Mobilium Fæstorum indicationem tutâ censeretur, si hæc a tanto viro supputata, Pontificum jussibus edita, diplomatibus confirmata, idonea non censetur, ut ex ea Festa Mobilia in Romanum Breviarium referantur.

Sed diutius fortè quàm par erat in hac prima Anonymi Assertionem moratus sum. Parum enim denique refert undecumque Romani Breviarii Festa desumpta sint, dummodo Clavii Tabula eos numeros exhibeat, quos Anonymus protulit, & aliàs Breviarium Romanum in indicendo Paschali die cum hæc Tabula conformetur.



## II. Assertio Anonymi.

Hoc Pascha rectè videbatur determinatum, cum meridies Lunæ XIV., quæ diem Dominicum Paschæ debet præcedere, Plenilunium medium supponeretur præcedere horis aliquot, quod usui Ecclesiæ a SS. PP. servato, rationique Astronomicæ, qua Plenilunium XIV<sup>a</sup> succedit, consentaneum est.

**R**espondes non idcirco rectè determinatam censendam esse Paschalem solemnitatem, quod XIV<sup>a</sup> Paschalis aliquot horis præcedat Plenilunium a Clavio supputatum: posse enim Pascha esse legitimum etiam si XIV<sup>a</sup> Paschalis Plenilunium subsequeretur. Neque ullibi præceptum hoc adeo rigorosum reperiri: XIV<sup>a</sup> Paschales debere necessariò præcedere Plenilunium medium. Itaque justum Paschalis diei criterium, quo dignoscitur, ritè determinatus fuerit, nec ne, non esse Plenilunium, aut Mediorum motuum tricas (teste etiam Petavio de Doct. Temp. lib. 5. cap. 15.) Sed Cyclos, olim quidè Aurei Numeri, nunc verò Epactarum. Hanc esse Ecclesiæ praxim, hunc usum a SS. PP. servatum, qui nullo jure repugnante per 1000. & amplius annos Cyclorum naturam sequuti XIV<sup>a</sup> Paschales habuerunt interdum uno, interdum pluribus diebus post Plenilunia succedentes. In omni enim Cyclo inevitabile hoc esse, ut quandoque XIV<sup>a</sup> non solum Plenilunia non antevertat, sed ea aliquo tempore subsequatur; & hoc præsertim in Epactis digerendis data opera quæsitum fuisse, scilicet contingat Pascha in XIV<sup>a</sup> vel ante XIV<sup>am</sup> celebrari.

Verum, nisi mea me fallit opinio, non tam intendebat Anonymus Assertionem ista Pascha diem, quam Epactam, a qua ille deducitur, in examen vocare; neque asserit Pascha post Cyclos ab Ecclesia constitutos, ~~non esse legitimum~~, quod XIV<sup>a</sup> Cyclaris aliquot horis Plenilunium præcedit; sed significat Cyclum ipsum tunc esse accuratum, cum hanc conditionem observat, quo tamen ipso non negat etiam ex Cyclo minus accurato, qui ab Ecclesiâ probatus sit, ritè Pascha celebrari. Ergo duplicem habet significationem hæc interrogatio: an Pascha anno 1700. ritè celebratum sit die 11. Aprilis. Prima est: an celebratum sit congruenter ad Cyclum Epactarum, quo tanquam Paschali regula utimur. Et in hoc quidè nulla est difficultas; cum enim prima Dominica post XIV<sup>am</sup> Cycli celebratum sit, utique legitimo tempore celebratum est: Altera: an Pascha indictum anno 1700. d. 11. Aprilis conveniat Ecclesiæ instituto antiquissimo, Pontificum, & Conciliorum Canonibus etiam ante Nicenam Synodum, atque Aurei Numeri Cyclum confirmato, de celebrando Paschate primo die Dominico post XIV<sup>am</sup> 1. Mensis; quæ regula, quantum in se est, ipsum Cæleste Plenilunium, ac XIV<sup>am</sup> Lunæ in Cælo diem respicit, & ab usu, vel non usu Cycli præscindit; quæ significatio idem sonat, ac si dixeris: Cyclus Epactarum, qui anno 1700. Lunam XIV<sup>am</sup> d. 4. Aprilis exhibuit, hoc anno Cælo conformetur. Quod si ergo hoc quæretur, statuit Anonymus Assertionem hac II. pulchrè utique Cyclum Cælo respondere, supposito Plenilunio d. 4. Aprilis; XIV<sup>a</sup> enim Cycli horis aliquot Plenilunium Cæleste præcessit, & cum XIV<sup>a</sup> Cælesti ferè conspiravit; nec tamen propterea negat, si fortè Cyclus a Cælo dissenisset, Pascha legitimum futurum fuisse, sed significat Cyclum ipsum futu-

futurum tunc fuisse minus legitimum ; aut pravè usurpatum , & , si sæpiusculè in hoc peccasset , atque ita summo Pontifici videretur , corrigendum . Itaque concedit Anonymus Pascha legitimum esse , etiam si xiv<sup>a</sup> Cycli ab Ecclesia probati Plenilunium non præcedat , sed subsequatur ; concedit medios motus non esse justum Paschalis diei criterium , sed Cyclos ; & in his , saltem prout hætenus usurpati sunt , necessitatem agnoscit , ut interdum xiv<sup>a</sup> Plenilunii <sup>oss</sup> præponantur ( nam quantum ad Epactas data opera ita digestas ut Lunationes tardius monstrent ad concursum Paschæ cum xiv<sup>a</sup> evitandum , an id operæpretium fuerit infra considerabimus ) sed si denique de hoc ipso Cyclo-examinando agatur , ait tunc Cyclum esse accuratum , cum xiv<sup>a</sup> ejus Plenilunium aliquibus horis antevertit . Planè si quis ante Gregorianam reformationem , ut anno 1579. quæsiisset an Pascha illius anni ritè indictum esset d. 19. Aprilis : respondisset verò aliquis , utique ritè esse indictum , quia juxta Cyclum Aurei Numeri tunc usurpatum , xiv<sup>a</sup> Paschalis in d. 13. Aprilis incidebat , unde d. 19. qui Dominicus erat a xiv<sup>a</sup> primus , ad Paschalem celebritatem erat eligendus ; ille quidè supposita Cycli perfectione , atque Ecclesiæ usu rectè respondisset . Sed protectò hoc ipsum erat quod quærebatur , an Cyclus Aurei Numeri accuratè , vel tolerabiliter saltè Cælo consentiret , quod cum plerisque annis non contingeret , Gregorium movit ut Calendarii emendationem moliretur . Statuendum ergo est criterium aliquod , ad quod Cycli expendantur , & hoc nullum aliud esse potest , quàm Cælestes motus ; & qui respondeat Paschales solemnitates ritè indictas esse , quia juxta Cyclum indictæ sunt , ipsum supponat de quo dubitatur . Certè in Chirographo a te edito , quod Curatores Calendarii anno 1580. Summo Pontifici obtulerunt , disertè profitentur se examinasse Epactarum Cyclum ad Plenilunium Paschallium inventionem annos serè 3000. ; & Cyclum rectè Plenilunia indicantem agnovisse ; & Clavius ipse in Libro Expositionis Calendarii , quantum potuit , vel posse se credidit , Epactarum cum Cælestibus motibus conformitatem sectatus est , agnoscens in hoc consensu Cycli perfectionem positam esse .

Cum autem in hac Assertionem dixisset Anonymus usum Ecclesiæ a SS. PP. servatum hunc esse : ut Meridies Lunæ xiv<sup>a</sup> Plenilunium medium præcedat ; id tu ita interpretaris , quasi ille velit SS. PP. non Cyclum ullum , sed Cæleste Plenilunium & Cælestem xiv<sup>am</sup> spectasse , ut ex his Paschæ diem elicerent . Sed planè non potest verbis Anonymi hæc affingi interpretatio , nisi velimus ea ineptissimum hunc sensum habere , quod usus SS. PP. fuerit , ut xiv<sup>a</sup> Cælestis præcederet Plenilunium Cæleste aliquot horis . Itaque nil aliud Anonymus intendit , quàm SS. PP. ita Cyclos suos temperasse , ut xiv<sup>a</sup> Cycli Plenilunium Cæleste aliquo tempore præcederet , seu , quod idem est , cum xiv<sup>a</sup> Cælesti consentiret , quod & Astronomicæ rationi consentaneum esse constar , & a SS. PP. verè factum fuisse infra demonstrabimus .

## III. Assertio Anonymi.

Verum ex Tabulis Astronomicis Epactarum eidem Libro insertis ; quæ cum Tabulis præstantissimorum Astronomorum ad meridianum Romæ veteri stylo supputatis , intrâ horæ quadrantem consentiunt ; hoc Plenilunium medium , reductione ad novum stylum rectè instituta , supputatur die 3. Aprilis , hora 11. post meridiem , quo die etiam vulgatæ Ephemerides exhibent Plenilunium medium.

**R**espondes Plenilunium medium Ecclesiasticum anni 1700. hoc modo supputatum ab Anonymo ex Tabulis Astronomicis vulgaribus , nec non Plenilunia media Ecclesiastica cæterorum centesimorum communium , si ex iisdem eliciantur , supputari contra expressam mentem Gregorii XIII. & Clementis VIII. Hos enim Pontifices prohibuisse Epactarum mutationem fieri in Martio , ut supponitur in vulgari Calendario , atque in computis vulgaribus Astronomorum ; & iussisse ut primo die Januarii facta censeretur , ut in secundo Calendarii Canone , & in Bulla Clementis VIII. Libro expositionis præfixa statutum est.

Torsit me multum , V. Cl. responsio hæc tua , ut germanum ejus sensum assequer ; in quo cum totius controversiæ summa posita esse videatur , operæpretium erit cum diligenter expendere . Et primum illud mihi negotium facessit , quoddam Plenilunio medio Ecclesiastici epitheton adjungis , quasi detur Plenilunium aliquod medium non Ecclesiasticum , aut quasi Plenilunium medium , quod ab omnibus ita appellatur , Ecclesiasticum potius quàm Astronomicum dicendum sit . Utrumque verò novum , atque inauditum mihi est ; nam Plenilunium medium , hoc est tempus ; quo juxta motus medios Luna Soli opponitur , unum idemque apud omnes semper fuit , neque Ecclesia nomine Plenilunii medii aliud quidquam præter hoc intellexit . Melius fortasse Plenilunium Ecclesiasticum dici potest xv<sup>a</sup> dies Lunæ juxta Cyclum ; sed hoc denique Plenilunii medii nomen nullo pacto meretur ; cum non fiat juxta medios motus , sed juxta fictam a nobis temporum distributionem , a ~~motibus~~ motibus Lunaribus sæpenuerò valde diversam . Sed fortasse ex iis , quæ sequuntur , quale tuum hoc sit Ecclesiasticum , mediumque Plenilunium intelligemus .

Ais ergo Gregorium XIII. & Clementem VIII. iussisse , ut Epactarum mutatio fieret ad ipsum Januarii , atque anni principium . Si hoc nihil aliud significet quam quoddam Pontifices jusserint numerum Cycli Epactarum , quæ cuique anno conveniunt , & in Calendario querendæ sunt ad habendos eo anno Neomeniarum dies , mutari ipsis Calendis Januarii ; itaut novo anno ineunte nova Epacta succedat rejecta veteri ; vel , quod idem est , annum Cyclarem incipere simul cum anno Civili , atque Ecclesiastico die prima Januarii ; propositio tua extra omnem controversiam est , sed quid contra Anonymi propositionem faciat intelligere non possum . Non enim video quomodo Astro-  
nomici huic decreto contrariantur in calculis Pleniluniorum , scilicet quomodo mutationem ullam Epactarum Cyclarium Martio potius quàm Januario incipiente factam supponant , qui Cyclum Epactarum in suis Pleniluniorum cal-  
culis

culis intactum prorsus relinquentes ; nec de eo quidquam cogitantes , Epactas tantum Astronomicas , scilicet dies , horas , & minuta addunt , subducunt , & pro opportunitate eorum calculi tractant . Sin autem propositio tua quid aliud sonat , ut ex ejus apud te usu colligitur , nempe : Pontifices jus-  
sisse Epactas veras , quibus in calculis Pleniluniorum Astronomi utuntur , aliquo modo mutari Mense Januario , at neutiquam Martio , ut ab his fieri solet ; tunc & suppositum hoc : quod videlicet Astronomi Mense Martio aliquo modo Epactas mutant , pace tua , ænigmaticum est ; & propositio ipsa penitus falsa , atque inaudita . Nusquam enim neque Bulla Greg. XIII. neque Calendarii Canonibus , neque sæpius per te allegata sanctione Clem. VIII. aut alia quavis constitutione Ecclesiastica cautum est , ut post Gregorianam reformationem Astronomi computent Plenilunia media ( etiamsi calculos instaurant ad effectum Christiani Paschatis inveniendi ) diverso modo ab eo , quem regulæ Astronomicæ postulant , & juxta quem aliàs calculus institueretur . Id tantum novi quo ad hoc negotium Gregoriana correctio introduxit , ut ratio habenda sit dierum , qui ex anno usque ad tempus propositum adempti sunt , ad hoc ut tempora Noviluniorum per calculum inventa stylo , ut vocant , novo , seu Gregoriano exprimantur . Nullibi , inquam , quidquam aliud cautum est circa Astronomicos calculos ; neque plane fieri potest ut Sanctissimi Christianæ Reipublicæ Moderatores adeo mirabilem legem promulgaverint : Astronomos supputare in posterum Plenilunia ad dies diversos ab eo qui Astronomicis regulis convenit , hoc est ab eo , quo Plenilunia ipsa in Cælo contingunt ; hoc enim idem perinde foret ac si jussissent Lunam deinceps ~~in diebus Astronomicis~~ implere ; Quæ lex cum illa quorundam apud barbaros Regum præsumptione comparanda videtur , qui cum primum ad Regnum inaugurantur , Sacramento se se Populis obstringunt Solem quotidie super eos oriturum , atque anni tempora statas leges servatura . Sed profectò Romani Pontifices Neomenias equidem , & XIV<sup>as</sup> festitias Christiano Populo proponunt , ut ejus captui consulant , at non idcirco in Lunares motus , vel in calculos qui Lunaribus motibus conformes esse debent , quidquam juris sibi tribuunt . Vide ergo , V. Cl. quid Sanctissimis Pontificibus imputes , vide quàm alienam ab eorum sapientia mentem his affingas , dum statuis Ecclesiam Romanam circa calculorum Astronomicorum rationem quidquam adversus Astronomicas regulas decrevisse .

Profectò hoc ipsum , de quo agimus , Plenilunium medium , nemine refragante , accidit in cælis d. 3. Aprilis h. 11. p. m. & cum Anonymi cæterorumque Astronomorum calculo concordavit ; atque idem continget reliquis annis centesimis communibus , si juxta vulgatas regulas rationes subducantur , cum e contrà futurum semper sit , ut calculus juxta tuam sententiam , quam Ecclesiæ conformem esse dicis , institutus solido die feriis Plenilunium repræsentet , quàm illud verè contingat . Peto igitur : ~~Ad~~ Ecclesia ali-  
quid decrevit quo ad calculos Astronomicos Pleniluniorum post correctionem , vel nihil . Si nihil , ergo etiam ex mente Ecclesiæ Plenilunium invenietur d. 3. Aprilis , ut Anonymus juxta vulgares regu-  
las

B

las cælo conformes supputavit . Si aliquid , planè nulla alia de causa id fecit , quàm ut Cyclos suos mediantibus calculis Astronomicis examinaret ; aliàs enim Ecclesia , te ipso fatente , de mediis motibus non est sollicita , cùm potius Cyclis pro Paschali regula utatur . Atqui ex calculis Pleniluniorum contra Astronomicas regulas deductis non habetur , ut dixi , verum illorum tempus , & nisi hoc habeatur , non possunt examinari Cycli , ut evidens est ; ergo si Ecclesia præcepit aliquid circa calculos Pleniluniorum , certè non præcepit ut supputarentur adversus regulas Astronomicas . Quem enim usum poterat ex hoc percipere , aut quæ causa esse poterat ut hoc juberet ? Equidèm Cycli ed perfectiores reputantur quod cælestibus motibus conformiores sunt . Propter hoc aureus Numerus est introductus , qui intra paucos annos accuratior est antiquorum Cyclis . Propter hoc idem Aureus Numerus a Greg. XIII amotus , & Epactæ subrogatæ sunt , quæ si denique aliquando a Cælo dissentiant , id tamen non data opera quaesitum est , sed data potius fuit opera ( aut danda fuerat juxta Greg. mentem ) ut quàm minimùm aberrarent ; & idcirco Clavius in Tabula æquationis Epactarum , quam ex Liliï sententia supputare se proficitur , ad annum 8200. adjecit Novilunia Tabulæ usque ad illud tempus bene cum Cælo consentire ( quod tamen quàm verum sit suo loco videbimus ) in posterum verò corrigenda esse , quod a motibus mediis recederent . Sed qua necessitate , aut quo operæpretio jubendum fuerit , ut etiam Calculi Astronomici , qui denique soli Epactarum errores identidem corrigere possunt , imò qui etiam ex mente summi Pontificis , saltem post multa sæcula , in consilium adhibendi sunt ad Epactarum æquationes ritè corrigendas , inquam calculi de industria falsi , memorique nunc , præsertim in annis centesimis , quibus maxime oportuit eos legitimos esse ; ego quidèm non video , neque hanc fuisse summorum Pontificum mentem in animum unquam inducam .

Certè si verba Canonis secundi , & Clementinæ Bullæ per te allegata expendamus , nihil reperiemus , quod ad Astronomicos calculos pertineat . Canon secundus Calendarii hæc habet : *quamvis vulgares Epactæ mutantur in Martio , re ipsa tamen principio anni mutande sunt , una cum Aureo Numero , in cuius locum nostræ Epactæ succedunt* . Scilicet agitur in eo Canone de Cyclo Epactarum in locum Aurei Numeri substituendo , necnon de Epactis cuique anno assignandis per continuam additionem dierum 11. proponunturque Tabellæ , unde ipsæ sumi debeant , quæ ad diversa tempora diversæ sunt . Et quia ex trita regula , qua vulgus ad inveniendâ quolibet mense Novilunia uti consuevit ( addendo nimirum tot dies ad Epactam ejus anni , quot menses a Martio ad mensem propositum elapsi sunt , summæque iterum dies currentes ejus Mensis adjiciendo ) collocari videtur initium anni calendis Martii , & per duodecim Menses , nempe usque ad sequentem Martium eadem Epacta retinetur , quæ demùm recurrente Martio mutatur ; ne fortè quis credideret in Calendario Gregoriano Epactarum Cyclum a Martio incipere , declarat Canon ille initium ejus ab ipso Januario repetendum esse , & ita ineunte anno , veteri Epacta dimissa , novam eligendam , Martio non expectato . De calculis verò Astronomicis ab hoc negotio Epactarum

rum Cyclarium longè disparatissimis , ne verbum quidè facit : Multò minus de his agit Clementina Bulla , in qua cum Calendarium pseudogregorianum a Vieta introductum refutetur , traditur discrimen ejus a Gregoriano in hæc verba , *Et a Gregoriano præter alia discernitur , quod in illo ad 1. diem Januarii Epacta xxx. sive hoc signo \* notata , sicut in Calendario habetur , non adscripta sit , ut in Gregoriano , annusque cum Epacta vix. ab 8. d. Martii incipiat , quæ res inaudita est , Et PP. Nicæni Concilii prorsus contraria . Quæ sententia de Epactis Cyclaribus Calendario adscriptis expressè loquitur , non autem de Astronomicis .*

Quod si saltem verum esset Astronomos in calculis Pleniluniorum subducendis , Epactarum , quas usurpant , mutationem aliquam facere initio Martii , itaut Clementis Bulla , quæ mutationem hanc initio Januarii præcipit aliquo modo Epactis Astronomicis applicari , aut ad illas trahi posset : fortasse interpretatio tua paulò credibilior videretur . Sed quæ mutatio Epactarum initio Martii potius quàm Januarii ab Astronomicis fiat , non intelligo ; & idcirco suppositum hoc tuum ænigmaticum esse paulò ante professus sum . Certè Astronomi Plenilunia media computaturi , sive Martio , sive Januario , aut alio quovis mense , ubique Epactas annorum a Christo nato elapsorum colligunt ; ubique Epocham Christi huic summæ superaddunt ; ubique adjungunt illi Epactas mensium completorum ; ubique demùm summam universam a revolutionibus Syzygiarum proximè majoribus subtrahunt , & id quod relinquitur est dies , hora , & scrupulus mensis propositi , quo Novilunium contingit stylo tamen Juliano ; quare additis diebus quibus Calendarium hoc a Gregoriano tunc discrepat , habent tempus Novilunii stylo Gregoriano . Et superadjecta denique dimidia Lunatione media constant Plenilunii tempus stylo pariter Gregoriano . Hoc , inquam , perpetuò faciunt sive Januarii , sive Martii , aut alterius cujuslibet Mensis Plenilunia inquirent ; nisi quod pro Martio Epactas Februarii completi in calculo usurpant , pro Januario autem Epactas Mensium nullas , quia videlicet nullus mensis completus est ; quod equidem vocari potest Epactarum mutatio , sed quæ non magis Martiæ , quàm Januario aut alio quovis Mense fiat .

Contingit equidè interdum , nempe in annis centesimis communibus , & contigit novissimè in anno , de quo loquimur 1700. , ut in reductione illa Noviluniorum ad stylum Gregorianum , dierum addendorum numerus alius sit in Noviluniis priorum duorum anni mensium , alius in Martio , & sequentibus ; quia videlicet , propter diem intercalarem in fine Februarii prætermisum , differentia inter Julianum , & Gregorianum Calendarium ineunte Martio uno die succrevit ; sed an hæc dicenda sit Epactarum mutatio , ut verba Clementinæ Bullæ huc trahantur ; provoco ad Astronomos omnes , imò ad te ipsum , vir Cl. dummodò candidè , pacatèque solius veritatis studio id recogites . Planè non illa Epactarum , seu Lunaræ ætatis mutatio est , quæ eadem manet , manente scilicet Luna in ipso semper Novilunii articulo , sed est mutatio reductionis a stylo Juliano ad Gregorianum , quæ menti Summorum Pontificum aded non repugnat , ut eorum jussu , atque auctoritate , non ab Astronomicis tantum , sed ab omnibus Catholicis post Gregorianam emendationem facienda sit ; neque antea facienda quàm ad finem Februarii ,

quia locus intercalationis, ratione cujus reductio illa variatur, non in initium anni, aut finem antecedentis, sed in finem Februarii incidit. Nisi ergo ostenderis summos Pontifices voluisse reductionem temporis Juliani ad Gregorianum, quoties ex rei natura diversa est post Februarium ab ea, quæ duobus prioribus anni mensibus viguit, fieri nihilominus in Calculis Astronomis eis initio anni, eodem modo, quæ post Februarium fieret (quod non ostendit) nunquam Anonymi calculum Ecclesiasticis constitutionibus adversari demonstrabis; eum allegata per te diplomata de reductionis istius mutatione nihil dicant, sed de mutatione tantum Epactarum, quæ nulla hic est, verba faciant.

Quia tamen hæc qualiscumque variatio illa ipsa est, quam Epactarum mutationem vocas, & ad initium anni fieri debere contendis, non expectato cum Astronomis Martio (ut colligitur ex iis, quæ infra ad hanc, & sequentem Assertionem habes) non committam ut hic æeram logomachiam instituisse videar, sed argumentum tuum expendam, quod huiusmodi verbis a te proponitur. *Facta igitur hac hypothesis, evidenter deducitur, quod in computo Novilunii mensis Januarii Anni 1700. non solum addendi sunt dies 10. ablati propter equationem Solis, sicut in annis precedentibus, sed 11. propter diem ablatum ab anno 1700. Ob eandem causam equationis Solis, Novilunio, & Plenilunio Martii, additur insuper unitas pro die Februarii, qui secundum hanc hypothesis, & computum Ecclesiasticum Gregorianum mutationis Epactæ in principio Januarii, quæ minuitur unitate ob diem hoc anno 1700. ablatum ab anno solari, continebit dies 29. in anno Ecclesiastico Lune: Quamvis & opposita ratio est, diem ablatum ab anno 1700. in computo Ecclesiastico Epactarum motus Lune addendum esse, ubi facta est mutatio in Calendario; at in computo Paschali anni 1700. Epacta mutatur in Calendario ob ablationem unius diei anni Solaris Mense Januarii, secundum usum Ecclesie, & SS. PP. Igitur Mense Januarii restituendus est dies in computo Epactarum, quibus mediantibus inveniuntur Plenilunia, & Novilunia media Lune anni 1700. Hæc ratio est eadem in omnibus centesimis non bissextilibus.*

Deinde calculum affers tam juxta tuam, quam juxta Anonymi methodum hoc modo.

Calculus juxta te, & Clavium.

	D. H. ° ' "
Anni 1600.	19. 2. 36. 7
99.	13. 13. 19. 11
Radix Christi	16. 18. 12. 30
Summa	49. 10. 7. 48
Numerus conjunctionum	59. 1. 28. 6
Novilunium Januarii Cal. Juliani	9. 15. 20. 18
Dies ablati	11.
Novil. Jan. reductum ad Cal. Eccl. Greg.	20. 15. 20. 18

<i>Duorum Mensium Lunarium Summa</i>	59. 1. 28. 6
<i>Summa</i>	79. 16. 48. 24
<i>Dies Calendarii duorum Mensium</i>	59.
<i>Residuum</i>	20. 16. 48. 24
<i>Dimidium Mensis Lunaris</i>	14. 18. 22. 1
<i>Summa</i>	35. 11. 10. 25
<i>Dies Martii</i>	31.
<i>Plenilunium Martii</i> <i>Aprilis</i>	4. 11. 10. 25
<i>Secundum computum Ecclesiasticum Gregorianum.</i>	

Calculus juxta Anonymum atque vulgarem Astronomiam.

<i>Novil. Jan. sec. Cal. Julian. anni 1700.</i>	D. M. . .
<i>Dies ablati anno Juliano</i>	9. 15. 20. 18
	10.
<i>Novil. Jan. reduct. ad Cal. Vulg.</i>	19. 15. 20. 18
<i>Duorum Mensium Lunarium Summa</i>	59. 1. 28. 6
<i>Summa</i>	78. 16. 48. 24
<i>Dies Cal. duorum Mensium Jan. &amp; Feb.</i>	59.
<i>Novil. Martii 1700.</i>	19. 16. 48. 24
<i>Dimidius Mensis Lunaris</i>	14. 18. 22. 1
<i>Summa</i>	34. 11. 10. 25
<i>Dies Martii</i>	31.
<i>Plenil. Martii 1700.</i> <i>Aprilis</i>	3. 11. 10. 25
<i>Secundum Computum Censoris &amp; Astronomorum qui mutant Epactam 1. Martii.</i>	

Respondeo ad argumentum negando quod in computo Novilunii Januarii anni 1700. non solum sint addendi dies 10. ablati propter equationem Solis sicut in annis precedentibus, sed 11. propter diem ablatum ab anno 1700. Non sunt, inquam, quantum ex rei natura est, addendi d. 11. pro computo Novilunii Mensis Januarii, quia Mense Januario nondum ablati sunt alii dies anno 1700. præter illos 10. qui ablati fuerant annis precedentibus. Sed tu, ut arbitror, id agnoscis, & in Pontificia tantum constitutione vim facis. Itaque instas: etsi dies ablati non est initio Januarii, jubere tamen S. Pontificem ejus additionem fieri in calculo Plenilunii, cum jubeat Epactas mutari initio Januarii, nam, ut supra dixi, dierum addendorum mutationem cum Epactarum mutatione idem facis. Concedamus ergo hoc, etsi falsum esse supra ostendi; & ut interpretationem tuam Pontificæ mentis sequamur, fiat additio d. 11. initio Januarii. Sed quid deinde iterum postulas, ut ob eandem causam equationis Solis,



lis, Novilunio, & Plenilunio Martii addatur insuper unitas pro die februarii, qui secundum hanc hypothesis, & computum Ecclesiasticum Gregorianum mutationis Epactæ initio Januarii, quæ minuitur unitate ob diem hoc anno 1700. ablatum ab anno Solari, continebit d. 29. in anno Ecclesiastico Lune? Non ne semel Pontificis mens juxta interpretationem tuam adimpleta est addendo 11. d. initio Januarii? Cur ergo ob eandem causam alium diem adjici jubes? Planè si vel maxime Pontifex præcepisset ut in computis Pleniluniorum anni 1700. adderetur 11. d. etiam ante locum intercalationis (a quo mentem ejus alienissimam esse supra ostendi) sed si hoc denique præcepisset, quis non videt nullam propterea diversitatem oriri debere in calculis Pleniluniorum post Februarium? Nam cum illa dici unius præter decem additio alicubi demum facienda sit in Pleniluniis post Februarium, sive ea sub initium calculi fiat, dum Januarii Novilunium computatur, sive paulò post, nempe elicto jam Martii Novilunio, summa nullatenus variari debet. Cum ergo, hoc non obstante, calculus tuus Plenilunium una die promoveat, evidens est hoc non pendere ex additione illius diei præter decem, quam Epactarum mutationem vocas, facta potius initio Martii, quam Januarii, sed ex additione adhuc alterius diei, absque ullo titulo, ut dixi, a te facta.

Id quod multo evidenter fiet, si ipse calculus tuus cum Astronomico vulgari comparetur. Nam in utroque summam dierum, qui primis duobus anni mensibus continentur, facis d. 59. sumendo scilicet Februarium bissextilem Juliano more; quod utique in calculo Astronomico vulgari jure factum est, ut scilicet hoc pacto dies unus computo addiciatur, cum decem tantum additi ab initio essent; sed in eo, quem cum Clavio approbas, & Ecclesiasticum vocas, minimè fieri debuit, quandoquidem additio d. n. semel ab initio facta erat. Ex quibus perspicuum est te non modò Pontificiam mentem ab Epactis Cyclaribus ad Astronomicas trahere; non modò incrementum reductionis Juliani ad Gregorianum annum improprio nomine appellare Epactarum mutationem; sed etiam postulare, ut hæc mutatio bis locum habeat, cum aliàs si semel tantum, utcumque initio Januarii, fieret, Plenilunia post Februarium nullatenus variatura esset, sed tantum ea, quæ duobus prioribus mensibus anni contingunt.

Sed quoniam distinctionem illam inter Astronomicas, seu veras, & Civiles, seu Ecclesiasticas, aut Cyclares Epactas, quam supra tradidi, quæque præcipua in hoc negotio est, præoccupasse tibi videris; instantiam, quam adversus eam proponis, expendamus. Ita ergo respondes: nec valet dicere Epactam veram anni 1700. & reliquorum 100<sup>orum</sup> non bissextilem in Calendario Gregoriano non mutari. Nam ex calculo ab ipso Censore exposito, vera Epacta deducta ex Plenilunii mediis Paschalibus anni 1699. & anni 1700. est d. 10. b. 15.; si verò annus 1700. esset bissextilis secundum Censorii calculum, & aliorum Astronomorum, Martii Plenilunium medium esset d. 2. b. 11. Aprilis, cum dies ablati tunc solùm essent 10. unde si sumatur Plenilunium medium Pascale anni præcedentis 1699. quod supponitur rectè supputatum ab ipso Censore d. Aprilis 14. b. 2. differentia istorum Pleniluniorum erit d. 11. b. 15. quæ erit Epacta vera anni 1700. in comparatione ad annum 1699. si annus 1700. supponeretur bissextilis, ac per ablationem unius diei a Calendario Epacta vera inter vos annos est d. 10. b. 15. per calculum expositum a Censore. Unde

certum

*certum est Epactam veram mutatam fuisse etiam per calculum vulgarem, contra hypotheseim Gregorianam, & confirmatam a Clem. VIII., qua expresse prohibetur Epactæ mutationem fieri 1. Martii, ut in vulgari Kalendario, aut octavo ejusdem Mensis, ut Vieta in suo falso Kalendario Gregoriano, & statim die 1. Januarii fieri precipitur &c.*

Ubi nomine Epactæ veræ anni 1700. jam non intelligis ætatem veram Lunæ ineunte anno 1700. juxta motus medios, ut ab aliis intelligi solet, sed illud potius, quod alii vocarent differentiam vel incrementum Epactæ, aut ætatis Lunæ quolibet die anni 1700. supra correspondentem diem anni 1699. quare hic etiam minus propriè Epactæ nomen usurpas, ut Clementinæ Bullæ, & Canonum Calendarii verba in tuam sententiam detorqueas. Verùm ne sic quidem, nisi fallor, id quod intendis effici potest; Nam (ut omittam directam præcipuamque responsionem supra traditam, videlicet prædictos Canones nunquam de Epactis Astronomicis, sed semper de Civilibus loqui) peto a te, V. Cl., an Anonymus assumens pro incremento Epactæ veræ ab anno 1699. ad 1700. in Plenilunio Aprilis numerum illum d. 10. h. 15. benè, an malè computeet juxta mentem summorum Pontificum? Si benè, ergo etiam ex mente eorum Plenilunium cadet in d. 3. Aprilis h. u. ut ipse contendit. Si malè, oportet ergo eam mutationem aliquam hujus Epactæ fecisse Martio potius quàm Januario, quandoquidem hoc unum est quod Pontifices in Canonibus per te allegatis fieri prohibent. Videamus ergo an hoc fecerit. Concedit Anonymus (te ipso fatente) Plen. Aprilis 1699. incidere in d. 14. h. 2. cum Clavio. Ergo admittit Plenilunium Februarii ejusdem anni d. 14. h. 1. ut ex Tabulis revolutionum Syzygiarum videns est. Præterea statuit Novilunium Januarii anni 1700. d. 19. h. 15. (ut ex calculo quem tu juxta ejus sententiam proponis) unde Plenilunium Februarii 1700. incidet juxta eum in d. 3. h. 10. Denique Plenilunium Aprilis 1700. collocat adversus Clavium ad d. 3. h. 11. Jam ergo juxta Anonymum.

1699. Plen. <sup>m</sup> Feb. d. 14. h. 1.	} Differentia d. 10. h. 15. quam vocas Epactam
1700. Plen. <sup>m</sup> Feb. d. 3. h. 10.	
veram anni 1700.	

1699. Plen. <sup>m</sup> Aprilis d. 14. h. 2.	} Differentia d. 10. h. 15. quam vocas Epactam
1700. Plen. <sup>m</sup> Aprilis d. 3. h. 11.	
veram anni 1700.	

Ubi ergo est Epactarum mutatio ab Anonymo facta potius post Martium quàm ante, quàm Pontificiis decretis adversari contendeas? Video differentiam illam, seu Epactæ incrementum, quod tu Epactam vocas, tam ante Martium, quàm post fieri ab eo ubique eandem, scilicet d. 10. h. 15. Si ergo vel maxime de hac Epacta Canones illi loquerentur, nullius malefici ex hoc capite Anonymus coargui posset.

Quod si denique dixeris Epactam illam, seu differentiam d. 10. h. 15. erroneam esse, & loco ejus sumendam fuisse differentiam tantum d. 9. h. 15., quanta ex tuis Pleniliis invicem comparatis colligitur, & in hoc scilicet mutationem Epactæ ab Anonymo factam consistere, petam a te an illam erroneam vocas, quatenus contrariam regulis Astronomicis, an quatenus contra-

tra-

trariam Pontificiis constitutionibus? Si primum, ergo tibi ipsi repugnas, qui diserte pluribus in locis statuisti Anonymi calculos factos esse juxta vulgarem Astronomiam; & profecto Epacta unius anni communis apud omnes admiffa, est d. 10. h. 15., cum illa a te prolata d. 9. h. 15. nova sit, ac mirabilis. Si secundum, petam iterum quænam Pontificiæ constitutiones jussierint ab anno 1699. ad 1700. Epactam succrescere non d. 10. h. 15., sed d. 9. h. 15., nam constitutiones hæcenus a te allatæ hoc non dicunt, sed ad summam Epactam Januario mutari jubent, Martio prohibent. Quodd si hæc legitimæ Epactæ pro illegitima electio mutatio tibi videtur, non illa sanè est, de qua decreta Pontificia loquuntur, utpote quæ non magis Martio, quàm Januario facta fuit, ut demonstravi.

Denique totam hanc doctrinam testimonio luculentissimo, atque irrefragabili claudam. Extat in Vaticana Bibliotheca Codex M. S. a Carolo Octavio Lauro anno 1575. Gregorio XIII. exhibitus hoc titulo: *Calendarii temporum, & SS. Festivitatum restitutio, & correctio jussu Greg. XIII. Pont. Opt. Max.*, quem inter scripta innumera occasione correctionis in illis Congregationibus producta delitescens, eruit non ita pridem Illustrissimus Abbas Zaccagnius ejusdem Bibliothecæ Custos, ac penes eum vidit Illustrissimus Blanchinus, qui pro humanitate sua rei summam, quantum ad hoc negotium pertinet, mihi communicavit. In eo itaque supponitur correctio anni juxta Gregorii placitum, detractis 10. d.; supponitur annus 1700. communis, cum unica litera Dominicali notetur in Tabula mox memoranda; supponitur Epactarum Cycclus a Lilio excogitatus, licet in Calendario. neque prorsus Liliano, neque prorsus Gregoriano more describatur, quod tamen ad præsentem rem nihil facit. Denique Cycclus a Calendis Januarii Gregoriana forma ordinatur, quare Epactæ ineunte Januario mutandæ sunt. Hæc tamen non obstantibus Tabulam profert ille auctor Noviluniorum, & Paschatum usque ad annum 8568. in qua hæc habet

Anni	Lun. Martii			Lit. Dom.	Pascha	
	d.	h.	'			
1700	19.	4.	58	C	Ap.	4
1701	8.	13.	47	B	Mar.	27
1702	27.	11.	20	A	Ap.	16
1703	16.	20.	9	G	Ap.	1
1704	5.	4.	56	F E	Ap.	20
1705	24.	2.	29	D	Ap.	12
1706	13.	11.	18	C	Mar.	28
1707	2.	20.	7	B	Ap.	17

Novilunium ergo Martii 1700. incidit juxta eum in d. 19. h. 4. ' 58. additis ergo d. 14. h. 18. ' 22. quæ est dimidia Lunatio, fit summa d. 33. h. 23. ' 20. Et cum ho

17  
 12 a media nocte computentur; additis h. 12. fiet summa d. 34. h. 11. 20. scilicet d. 3. Aprilis h. 11. 20. En ergo quomodo Plenilunium 1700. etiam juxta Gregorianam, & Lillianam hypothese[m] incidat in illud tempus, quod Anonymus determinavit. Cæterum apud Clavium altum ubique de hoc libro silentium.

Sed videlicet hæc mihi prolixius dicenda fuere pro Anonymo: quandoquidem unum hoc erat ex præcipuis responsionis tuæ capitibus. Maneat ergo Plenilunium Aprilis 1700. accidisse d. 3. h. 11. p. m. ad Meridianum Romæ juxta Astronomicas regulas, adversus quas Pontificia decreta nullatenus allegari possunt, non autem d. 4. h. 11. ut tu cum Clavio supputaveras; idemque valet de reliquis 100.<sup>mis</sup> non bissextilibus.

#### IV. Assertio Anonymi:

Qua ergo ratione assumebatur in xiv.<sup>m</sup> Paschalem d. 4. Aprilis, assumenda esset in xiv.<sup>m</sup> Paschalem d. 3. Aprilis. Hæc enim in Sabbathum incidens juxta hodiernam Ecclesię consuetudinem Paschæ diem indicat die sequenti Dominica 4. Aprilis.

**R**espondes neque ex Plenilunio medio supputato juxta hypothese[m] Gregorianam, neque ex Epacta Calendarii anni 1700. deduci xiv.<sup>m</sup> Paschalem incidere in diem Sabbathi 3. Aprilis, allegasque huc ea, quę in responsione ad III. Assertionem proposueras.

Sed quo ad Plenilunium medium, supra ostendimus in quem diem incidat, neque ullum discrimen invenimus inter Plenilunium medium Ecclesiasticum, & vulgare Astronomicum, cum Ecclesiā nihil circa computos Astronomicos unquam statuerit, neque statuere cogitaverit, nisi ut ritè legitimèque juxta Astronomicas regulas instituantur. Quo ad Epactam verò Calendarii anni 1700. cum ea sit 1x., fateor xiv.<sup>m</sup> non exhiberi d. 3. sed d. 4. Aprilis, & idcirco, attenta Calendarii Epacta, Pascha ritè dilatum esse ad d. 11. Aprilis. Sed de hac ipsa Calendarii Epacta examinanda quæstio hæc est,

#### V. Assertio Anonymi.

Reverà per Tabellam Epactarum insertam compendio a Greg. XIII. P. M. ad Christianos Principes, & ad celeberrimas quasque Academias misso, quod eidem libro expositionis præfigitur, Epacta anni 1700. educitur 10. undè inferitur Luna decima quarta die 3. Aprilis; Pascha die 4. Aprilis.

**R**espondes Tabellas Epactarum compendio Calendarii insertas in melius videlicet mutatas fuisse. Quę enim inseruntur Calendario Gregoriano, supponere equationis Lunaris radicem sæculo Dionysii Exigui, quo tempore xiv.<sup>m</sup> per Numeros Aureos inventę nunquam distabant per 2. d. a Pleniluniis mediis, sicut sæculo Concilii Nicęni. Tabellas porrò Epactarum compendii, licet errorem posticipationis xiv.<sup>m</sup> Paschalis a Pleniluniis mediis

mediis evitaverint , attamen majus peccatum anticipationis non emendasse , quod est celebrare Sanctum Pascha sæpius in XIV.<sup>a</sup> cum Judæis , & Quarta-decimanis . Et Gregorianas quidem Tabellas Epactarum , atque universam Calendarii expositionem Clavianam a Catholica Ecclesia , & præsertim a Clemente VIII. approbatam fuisse ; cætera verò Caledaria omnia edita , vel edenda , cæteras Epactas , atque aded ipsas compendii Tabellas prohibitas , neque ex his Paschalium celebritatum normam esse desumendam .

Verùm non video quid hæc faciant ad Assertionem Anonymi , qua hoc tantum statuit : per Epactas compendii eandem offerri XIV.<sup>m</sup> & Paschæ diem , quam mediorum motuum calculus poscit ; quod quidè extra omnem controversiam est . Cum enim calculus Astronomicus exhibeat ex supra ostensis XIV.<sup>m</sup> Paschalem d. 3. Aprilis , Pascha d. 4. , Tabella compendii sub Aureo Numero 10. qui anno 1700. congruebat , exhibet Epactam X. quæ in Calendario tam juxta Liliānam , quàm juxta Gregorianam formam digesto , adscripta est diei 21. Martii , Numeratis ergo deorsum 13. d. , incidet XIV.<sup>a</sup> in d. 3. Aprilis , & propter literam Dominicalem C. Pascha erit d. 4. Aprilis prorsus ut ex calculo Astronomico . Hoc , inquam , nec quidquam aliud agit Anonymus hac V. Assertionem . Quid si compendii Tabellæ a Calendarii curatoribus rejectæ , si ipsum Calendarium compendii a Gregorio XIII. mutatum , a Clemente VIII. unà cum aliis omnibus prohibitum , & Clavianum unice probatum est ( quod fortassè non sine distinctione aliqua inter Calendarium , & Epactas temporarias quis admitteret ) sed si denique compendium illud antiquatum ab Ecclesia fuit , sequitur quidè ex hoc Pascha non esse celebrandum juxta Tabellas compendii , at non sequitur eas minùs conformes esse Cœlestibus moribus , aut alias a Clavio supputatas meliùs cum illis convenire . Planè non præsumit Anonymus auctoritate propria Pascha indicare alio tempore , quàm quo Romana Ecclesia post Gregotianam emendationem indixit , neque Calendarium aliud pro legitimo agnoscit , quàm quod lege Ecclesiastica introductum est . Verùm si Summi Pontificis auctoritate intercedente , de hoc ipso Calendario ad motus cœlestes expendendo agatur ; tùm verò ait compendii Tabellam anno 1700. optimè conformari Plenilunio medio , seque vulgarem , quæ in usu est , quod verissimum esse supra demonstravimus .

Quas autem mutationis illius Tabellarum compendii in alias quæ Calendario Gregoriano insertæ sunt , causas cum Clavio affert , illæ ad sequentem Assertionem ; ubi ex professo de hoc agit , reservandæ sunt .

## VI. Assertio Anonymi.

Juxta illud compendium instituenda erat æquatio ( addendo diem unum Epactis ) in annis 300. eaque transferenda ab anno 1400. in sequentem trecentesium. Sed qui Aloysio Lilio Auctori Kalendarii vita functo suffecti sunt , cum eos trecentesimos ab Anno Christi 500. numeraverint , indeque Epactas correctas huc usque deduxerint , eam æquationem , quæ tali dinumeratione anno 1700. esset facienda , transferendam censuerunt ab Anno 1700. ad Annum 1800. , quæ translationi fiat , adhuc Epacta Anni 1700. habebitur X. , xiv. Paschalis d. 3. Aprilis , Pascha d. 4. Aprilis .

**H**ic verò iterum inculcas ea , quæ ad superiorem Assertionem respondisti : nimirum æquationis Lunaris rationem , quam Lilius proposuerat , optimo consilio in Calendario Gregoriano immutatam , statuta alia Epochâ , nempe à sæculum Dionysii Exigui . Cujus mutationis eam insinuas causam quam Clavius copiose exaggeravit , & post Clavium quotquot Doctrinam ejus sequuti sunt : nimirum Ecclesiæ cautelam , ut Epactæ aliquantò seriùs Neomenias ostendunt , quàm calculus accuratus postulet , ut videlicet eò tutius concursus Paschæ cum xiv.ª media , & consensus cum Quartadecimanis Hæreticis effugiat . Itaque cum Concilii Nicæni tempore Aureus Numerus indicaret x.v.ª nimirum Pleniluniam media antevortentes ( xv.ª enim Cyclares non nisi xv.ª Cælestes , & Astronomice fuerunt ) & idcirco Pascha nonnunquam xi.ª Luna Media , & Astronomica celebraretur , operæpretium fuit in nova Paschalis anni castigatione istud ipsius calendarii vel perfici . Dionysii autem Exigui tempore xiv.ª Lunæ per aureos numeros inventæ nunquam distabant per . d. a Plenilunii mediis , sed potius nonnihil ea sequebantur , quare ex hoc tempore initium sumi debuit æquationis in posterum faciendæ ; ut scilicet xiv.ª per Epactas inventæ in eodem statu perpetuò manerent respectu xiv.ª Cælestium , in quo tempore Dionysii fuerant , nempe in statu ad totam Paschæ celebrationem , & ad xiv.ª concursum præcavendum maximè opportuno . Hæc omnia Petavii præsertim auctoritate nituntur l. 5. Cap. 15. & 16. de Doct. Temp.

Quoniam in hoc Capite totius Controversiæ cardo vertitur , erit nobis in eo paulò magis immorandum . Ante tamen quàm ad ipsam quæstionem venio , quandoquidè auctoritatem Petavii , aliorumque insignium Chronologorum allegas , rogor te velim ut animadvertas neminem eorum , qui vel pro Clavio , vel adversus eum ad hæc usque tempora scripserant , meminisse erroris in calculo Pleniluniorum mediorum ab eo commissi , qui paucis tantum ab hinc annis detectus est , scilicet instante sæculari anno , quo Calendarium consulendum erat , ut Epactarum radix deinceps usui futura ex eo peteretur : primus enim , quod sciam , illum calculi lapsum indicavit Cassinus in regulis Astronomiæ Siamensium , quæ anno 1689. in lucem editæ sunt . Itaque minùs mirum videri debet si Catholici quotquot post Clavium pro Gregoriana correctione scripserunt , cum a Clavio causas innovationum in

C 2 Calen-

Calendario factarum utique prima facie plausibiles accepissent, in calculis verd ejus fidem sequerentur, facile inducti sint ad doctrinam ejus amplectendam, aut verius in eorum libros transferendam. Verum Anonymus alique recentiorum, ut videre calculos illos manifestè erroneos, meriti de tota Clavianæ Equationis ratione suspicari ceperunt; causasque mutationis predictæ diligentius inquirentes, denique intellexerunt hominem non magno operapretio Lilianam methodum, quantum ad hanc partem attinet deseruisse, ut suam illam subrogaret. Id quod, auctoritate Peravii cæterorumque dimissa (quæ tamen quanti ponderis sit infra expendemus) paucis jam demonstratum imus.

Primum omnium necesse est ut de Clavii facto inter nos conveniat. Compendium illud Calendarii Liliiani, quod Greg. XIII. ad Christianos Principes, & ad celeberrimas Academias miserat anno Domini 1577., professus, *nam rationem Principibus, majorique Doctorum hominum parti aptiorem, & convenientiorem visam esse agnovisset, eam se quasi totius Christiani Orbis consensum accepturum, strictè quidem sed satis perspicuè totam novi Calendarii rationem complectebatur.* Prefertim verd, Epactarum æquationem quod attinet, Tabulam exhibebat ad annum Christi 5000. continuatam, cum adscriptis Literis Epactarum earum expansa, quæ in Tabula earum expansa, quæ quovis sæculo ex mente Aloysii Lillii sumendæ forent, ostenderent. Eam hic apponimus, qualem ipsam Compendium exhibet supposita detractioe 10. d. ex anno Christi 1582.

Hujus Tabellæ constructio in eodem compendio declarabatur, triplicem statuendo Epactarum æquationem; alteram, quæ Epactam augeat. uno die, quæque cui libet retrocessimo anno debeatur propter Lunæ anno cessum; alteram, quæ post 2400. annos recurrat, propter annos 12. cum dimidio in priore illa neglectos, unde sit priorem æquationem ad sequentem contesum differri; tertiam denique, quæ Epactam minuat. die. uno, propter omissam interstationem in annis 100. a quæ tamen juxta Gregorianum Systema 400. quoque anno cessat. Ex harum trium æquationum complexu Tabellæ constructio pendet. Et si autem non exprimebatur quovis annus in Epocham harum æquationum electus fuisset, ut in posterum ex eo reliqua sæcula ordinarentur, perspicuum tamen est ex ejus progressu sumptum fuisse annum Christianæ æræ primum; omissis enim æquationis Lunæ sit in ea anno 1400.; iterumque anno 4900., quo scilicet tempore fieri par est, si radix primo Christi anno statuta sit; ut propterea mirum mihi videatur quod per librum tuum sepius repetis: Epocham æquationis hujus constitutam fuisse a Lilio ad tempus Concilii Nicæni; nam si hoc ita foret, in aliis sanè annis æquationis omissio facta fuisset. Equidem verum est Epactas Lili-

Tabula Æquationis Epactarum ex Calendarii Al. Lillii Compendio.

N	1	
P	325	
a	600	B
b	900	B
c	1200	B
d	1500	B
E	1582	
E	1600	B
D	1700	
D	1800	
C	1900	
C	2000	B
C	2100	
B	2200	
A	2300	
A	2400	B

lianæ

lianę hujus Tabule eodem modo cum Noviluniis mediis comparatas esse, quo tempore Nicęnz Synodi, vel parum absumili; quia videlicet Epactę quoque ad primum Christi sæculum, imò ad omnia alia sæcula, propter equationem debitis temporibus adhibitam necessariò in eodem statu retinentur; Sed hoc non importat Epocham æquationis positam ad tempus Nicęnz Synodi; equationis enim radix ex hoc indicio cognosci non potest, sed ex 100.<sup>mis</sup> quibus æquatio omittitur.

Excipiebant hanc Tabulam quatuor alie minores, ac temporarię, quas ex illa decerptas fuisse constabit, si Epactę in iis propositę cum literis in æquationis Tabula adscriptis conferantur. Denique ut ostenderetur hunc Cyclum cuiuslibet cælestium motuum mensurę adaptari posse, proponebatur in exemplum alia Tabella æquationis Epactarum juxta Copernici hypotheses, in qua literę quidẽ aliquibus 100.<sup>mis</sup> adscriptę eadem esse non possunt cum iis, quas prior Tabula exhibebat (quia nimirum in Copernicana hypothesi bissextilium distribuendorum alia ratio erat) sed annis 1582. & 1600. correctioni immediatę succedentibus litera eadem præfigebatur quę in superiori Tabula, videlicet E. majuscula, & alias æquationis Epochas utat præfixas. Christi primus, nam & in hac Lunarıs æquatio iisdem annis transferebatur quibus in superiore translata fuerat. Hęc omnia ex ipsius compendii Clavianę expositioni præfixi lectione manifesta sunt.

Advertendum est porro quo ad Tabellam Epactarum temporariam illi compendio insertam, atque usui futuram ab anno 1582. ad 1699. (quam utique Tabulę æquationis Epactarum literam E. pro his temporibus præferenti conformari diximus) eam exhibere novilunia toto quatrduo

maturids, quàm circa Nicęnz Synodi tempora, & annum Christi 323. ad eodem annos decennovennalis Cycli per Aureos Numeros, eo tempore maximẽ cum Noviluniis cælestibus conformes, exhiberentur. Ut ex. g. primo Cycli cuiuslibet decennovennalis anno, Aureus Numerus 1. tempore Concilii. Nicęni Novilunium indicabat d. 23. Martii, qui dies post correctionem Gregorianam vocatus fuit 2. Aprilis; Epacta verò II. quę in dictis Tabellis, temporaria, atque æquationis, priori pariter Cyclorum anno post correctionem convenit usque ad annum 1699. Novilunium ostendit d. 29. Martii, scilicet quatrduo ante d. 2. Aprilis; vel si placeat Epactarum usum etiam ad tempora Nicęnz Synodi retrorahere, Epacta respondens Aureo Numero 1. erat tunc VIII. (ut ex litera P. in Tabula æquationis Compendii prædicti anno Christi 325. adscripta dignoscitur, cui quoad hoc etiam Claviana æquatio consentit) post correctionem verò, & annum 1582. eidem Aureo Numero ref.

A	1500	
u	1500	
t	2700	
u	1800	B
t	2900	
s	3000	
s	3100	
s	3200	B
r	3300	
r	3400	
q	3500	
q	3600	B
q	3700	
p	3800	
n	3900	
p	4000	B
n	4100	
m	4200	
m	4300	
m	4400	B
l	4500	
l	4600	
k	4700	
k	4800	B
i	4900	
i	5000	



28.  
respondet in Tabellis Compendii Epactæ II. , cui additis 10. d. , qui ex anno 1582. detracti sunt , sit Epacta XII. quadriduo citius Novilunia demonstrans ; quàm Epacta VIII. Atque idem aliis Cycli anni contingit , neglecta exigua diversitate , quam cavarum , plenarumque Lunationum alterna distributio intulit , a distributione Aurei Numeri aliquibus in locis non nihil diversa.

Et planè quoddam anno 1582. ac sequentibus Epactæ eligerentur quadriduo saltem citius Novilunia indicantes , quàm per correspondentes aureos Numeros indicarentur , cælestibus motibus maximè conveniebat . Totidem enim dies , & amplius a Nicæno sæculo usque ad tempora correctionis Novilunia cælestia radices suas antevertebant . v. g. cum anno Christi 323. , quo Nicæna Synodus celebrata est , currente Aureo Numero 1. Novilunium incidisset in d. 23. Martii h. 4. 22. ( prout etiam Aureus Numerus d. 23. Martii adscriptus ostendebat ) anno 1577. eodem Aureo Numero currente accidit Novilunium d. 18. Martii h. 16. 4. utique maturius d. 4. h. 12. 18. ; idemque innumeris exemplis aliorum annorum confirmari posset , si de eo quisquam ambigeret . Merito igitur ad salvandam quantum fieri poterat Cycli cum motibus Lunæ conformitatem , propter quam solam laboriosum illud correctionis opus suscipiebatur , propositæ fuerant in compendio tales Epactæ , quæ statim correctionem illam non inanem fuisse , sed pulchrè omnia conciliasse , demonstrarent .

Ergo cum compendium hoc Principibus , doctisque Viris magnoperè placuisset , Greg. XIII. Viros ad Calendarii correctionem adhibuit barum rerum longè peritissimos . & inter ceteros Christophorum Clavium , de quo si quid interdum dixerò , quod in omnimodam hominis laudem non vertat , peto a te , V. Cl. , ne id potius voluntati meæ , quæ in egregium illum Mathematicum impensissima est , quàm veritatis amori imputetur . Illi itaque totius Catholici Orbis consensum sequuti , hunc præ ceteris Epactarum Cyclum elegerunt , cui etiam nonnulla adiecerunt , quæ ex accurata circumspectione visa sunt ad Calendarii perfectionem maximè pertinere . Hactenus serè ipse Gregorius in Bulla correctionis .

Equidem quo ad has adiectiones Epactarum Cyclo faciendas , iterum atque iterum inculcaverat illis Gregorius ( utar enim nunc verbis ipsius Clavi Epist. Cal. Cap. 24. num. 12. ) ut quàm minima fieret immutatio , atque hoc debet esse mentem Regum , aliorumque Principum . Sed quicquid de hoc Pontificis iussu Correctores statuerint , in aliquibus certè a Compendii illius ratione evidenter recesserunt . Inter cetera verò Tabulam aliam Equationis Epactarum concinnarunt cujus partem hic apponimus usque ad annum Christi 5000. In ea sumpto pro æquationis Epochæ non anno Chri-

sti primo ; sed anno 550. ex eo 300.<sup>mo</sup> annos numerarunt , unde factum ut plerisque 100.<sup>mis</sup> literam Epactarum indicem assignaverint ab ea diversam , quam Tabula æquationis compendii præferebat . Et anno quidem primo Christi , nec non anno 325. easdem cum æquatione compendii literas tribuerunt . Deinceps verò , æquationis eorum ratione id postulante , dissentire cæperunt . Itaque ad annum correctionis 1582. & sequentem proximè 1600. adscribere D. cùm compendium adscripsisset E ; ad annum verò 1700. adscribere C , cùm Compendium haberet D ; idemque cum plerisque consequentium annorum actum est . Ex hac Tabula etiam complures Tabellas temporarias deduxerunt . Porro illa litteræ variatio Epactas omnes unitate minuit , Novilunia uno die postponit ; quo fit ut comparatis jam Noviluniis Nicæni sæculi cum iis , quæ ad correspondentes annos statim a correctione succedentes per hæc Epactas eliciuntur , anticipatio dierum tantummodò trium reperiatur . Hęc omnia ex Libro expositionis , & ex secundo Calendarii Canone manifesta sunt .

Quod Calendarium ita per eos instructum , & Gregorio XIII. oblatum Summus Pontifex evulgavit , præfixa Bulla , qua illud auctoritate propria muniebat . In ea hæc verba leguntur . *Curavimus non solum æquinoctium vernum in pristinam sedem , a qua jam a Nicæno Concilio decem circiter diebus recessit , restituendum , & xiv.<sup>am</sup> Paschalem suo in loco , a quo quatuor , & eo amplius dies hoc tempore distat , reponendam , sed viam quoque tradendam , & rationem , qua cavetur ut in posterum æquinoctium , & Luna xiv.<sup>a</sup> a propriis sedibus nunquam dimoveantur .*

Cum deinde Clavius ad finiendas complures controversias adversus Calendarium a Moestlino , Germanno , Scaligero , Vieta , aliisque excitatas , jussu Clementis VIII. egregium opus elaborasset , quod *Calendarii Expositionem* inscripsit , idem Clemens Pontificiam auctoritatem operi impertitus est , præfixa Bulla , quam tu , V. Cl. , ad finem disputationis tuæ retulisti . In eo libro recensuit Clavius mutationes , quæ ab ipso unà cum cæteris Correctoribus Liliano Compendio factæ fuerant , atque earum causas affert . Sic cap. 10. n. 8. & sequentibus fatetur mutatam fuisse dispositionem Cycli Epactarum in Calendario , introducta gemina Epacta 25. xxv. potius quàm signis \* , & a Lilio propositis , & causam affert . Cap. 12. num. 10. fatetur rationem æquationis a Lilio propositam , post annum 8100. mutatam a se fuisse , & causam

Tabula Æquationis Epactarum ex Clavius; ad annum 5000.

N	1	
P	320	B
P	500	H
a	800	B
b	1100	B
c	1400	B
D	1582	
D	1600	B
C	1700	
C	1800	
B	1900	B
B	2000	
B	2100	
A	2200	
u	2300	B
A	2400	
u	2500	
t	2600	
t	2700	
t	2800	B
s	2900	
s	3000	
t	3100	B
t	3200	
t	3300	
q	3400	
p	3500	
q	3600	B
p	3700	
n	3800	
n	3900	
n	4000	B
m	4100	
l	4200	
l	4300	
l	4400	B
k	4500	
k	4600	
i	4700	
i	4800	B
i	4900	
h	5000	

sam pariter assertit : Verùm de mutatione illa adeo insigni Tabulæ æquationis, scilicet ejus Epochæ, & consequenter literarum pendè omnium, quæ annis adscribuntur, & præsertim ipsi anno correctionis, ne verbum quidem in toto illo opere legitur. Nam etsi rationem reddit ipsi, ut videtur, irrefragabilem, cur Epocham æquationis suæ anno 550. statuerit, ex quo deinde illa literarum mutatio pendet (quam rationem paulo post discutietur) non exprimit tamen recedere se in hoc a mente Lillii, atque a Tabulis compendii insertis, quas omnes Christiani Principes, atque Academiæ approbaverant, quemadmodum in aliis mutationibus disertè expresserat; quin imò dum Tabulam suæ æquationis profert, eam *ex sententia auctoris Calendarii* supputatam inscribit, eademque vocabula frequenter repetit, ut videre est passim Cap. 11. *Expos. Cal.*; quod in homine diligentissimo, & minimos scrupulos superstitionis prosequente, mirum est. Denique ut Epactis suis fidem conciliet, eas in amplissima Tabula *Festor. Mobil.* ad 5000. annorum describit unà cum Pleniluniis mediis, e quibus quæ ad annos 100.<sup>os</sup> communes supputata sunt, uno die tardiora esse, quam par fuerit supra demonstravimus.

Hæc omnia, cum meram facti narrationem contineant, & ex allegatorum operum inspectione pendeant, in dubium revocari non possunt. Ex illis porro hæc propositiones evidenter consequuntur.

Primò Tabulam æquationis Epactarum Calendarii, quæ eadem in Libro Expositionis repetita est, & temporarias quæ ex illa dependent, quantum ad Epactas convenientes annis 1582. 1600. 1700., & plerisque aliis, adversari doctrinæ traditæ in Compendio ad Christianos Principes misso, quod illi probaverant, & Gregorius XIII. præceperat, ut *quàm minimum mutarentur*.

Secundò easdem Epactas iisdem annis, quibus a Tabellis compendii discrepant, non conformari motibus cælestibus. Cum enim Epactæ compendii ad Nicænum sæculum satis accuratè motibus cælestibus respondeant, ut ostensum est; & aliàs Æquatio opportunè adhibita illas in eodem ferè statu retinere potis sit; sit ut ubicumque Epactæ Clavii a Tabella Compendii discrepant, a motibus etiam cælestibus alienæ sint. Qua tamen in re necessariò accidit, ut non omnibus sæculis æquè manifestus, & inexcusabilis error consurgat; quia videlicet neque Epactæ Compendii omnibus sæculis æquè rigoroſè medios motus imitari possunt; quandoquidè æquatio, quæ eas temperat, non per partes, ut opus ferret, sed tota uno actu 300.<sup>mo</sup> quoque anno illis adhibetur, ut a Clavio quoque factum est, nec sanè aliter fieri potuit. Insignis verò præsertim est Epactarum Clavii a mediis motibus discrepancia labente hoc sæculo XVIII.; cum superiore sæculo paulò excusabilior fuerit.

Tertiò easdem Epactas adversari menti Gregorii XIII. expressæ ab eo in Bulla correctionis; Gregorius enim ait *curasse se Lunam xiv.<sup>am</sup> suo in loco, a quo 4. & eo amplius dies hoc tempore distat, reponendam*: Epactæ autem prædictæ Lunam suo in loco non reponunt, cum eam tribus tantùm diebus sursum promoveant, ut dictum est.

Quartò non posse nihilominus in plerisque annis 100.<sup>mis</sup>, nempe in omnibus

bus illis, qui bissexiles non sunt, populariter animadverti adeo evidentem Epactæ Clavianæ disensum a mediis motibus, ex mera inspectione ejus Tabulæ Festorum mobilium; èd quodd Plenilunia iisdem annis adscripta uno die feriis notata sint, quàm legitimus calculus poscat; & ita satis benècum ejus Epactis conveniant, quæ & ipsæ uno die tardiores sunt, quàm Compendii Epactæ, quæ calculo consentiunt. Unde non mirum quodd ea diversitas, neque Gregorius XIII. perspecta fuerit; qui in Bulla 4. dies Epactis exemptos esse supposuit; neque Clementi VIII., qui Librum expositionis approbavit, neque etiam Petavio, cæterisque, qui de Calendarâ doctrina post correctionem scripserunt. Sed profectò neque Clementis approbatio, neque Auctorum pro Clavio testimonia absolūtè videntur intelligenda, sed solum quatenus ejus calculi errorem non contineant, mentique summi Pontificis Gregorii XIII. conformentur, cui Clavianas Epactas adversari supra ostensum est.

Quibus demonstratis jam non potest suffragari Clavio causa mutationis Tabellæ Epactarum, quam & Canone secundo Calendarii, & in Libro Apologiæ adversus Moestlinum, & denique plurimis locis Libri expositionis Calendarii, præsertim verbò Cap. 18. & 19. exaggeravit; videlicet cautela illa ut Novilunia feriis aliquanto per Epactas abdicarentur; ne scilicet xiv.<sup>a</sup> nimis Plenilunia cælestia anteverterent, & Pascha Luna xiv.<sup>a</sup> celebraretur. Nam quantumcumque hæc ratio subsisteret (quam nullius ponderis esse paulò post ostendemus) non debet tamen prævalere expressæ menti summi Pontificis Gregorii XIII. qui Christiani Orbis consensus per Compendii illius approbationem declaratum, secutus, jussit Epactas augeri quatuor diebus, ut scilicet Luna in pristinas sedes, quas tempore Concilii Nicæni habuerat, & a quibus prolapsa erat, restitueretur. Planè cum idem summus Pontifex in ea Bulla supponat detractos esse d. 10. anno 1582. ut Æquinoctia ad sedes, quas tempore Synodi Nicænæ habuerant, reverterentur; adamussim observatum id est, nec quisquam negat adversaturum fuisse ejus menti eum qui novem tantum diebus annum mûltasset, quamcumque denique ejus mutationis causam alligaret. Nunc cum quatuor dies ætati Lunæ adjici eodem sermonis contextu præcipiat, dicetur Clavius mentem ejus servasse, qui tres solummodo dies adjecit, quia scilicet causam aliquam variationis hujus excogitavit?

Sed causam illam, in qua denique potissimam vim facis, tantum non esse ut propterea æquatio Liliانا rejici, atque alia menti Gregorii adversa subrogari debuerit, demonstremus, quandoquidè in ea amplificanda responsio tua eam ad hanc, tùm ad superiorem, multasque ex sequentibus Assertionibus tota versatur. Ait igitur Clavius cavendum esse diligenter in Cyclo disponendo, ut quandoquidè ille Cælestibus motibus semper examussim respondere non potest, saltem tutiorem in partem peccet, nimirum in posticipationem potius, quàm in antecessionem Noviluniorum incurrat. Cum enim Sacrosanctum Pascha xiv.<sup>a</sup> Luna celebrari omnino prohibitum sit, ne sortè cum Judæis,

D

aut

aut Quartadecimanis in ejus celebritatis die concurramus, illa securior ratio est, quæ Novilunium, & consequenter xiv.<sup>ta</sup> Cyclarem pauld tardius enuntiat, quàm motus medii possulent, ita enim periculum nullum erit, ne in xiv.<sup>ta</sup>, vel ante illam Pascha incidat, quod semper post Cyclarem xiv.<sup>ta</sup> celebratur.

Verùm ut appareat considerationem hanc (quam fateor magna veritatis specie a Clavio proponi) adeo non esse attendendam, ut propter eam æquationum Lunarium ratio Liliiana turbari, & Gregorii XIII. mens expressa negligi debuerit; peto quænam sit xiv.<sup>ta</sup> Luna, quandoquidem in ea, vel ante eam Pascha celebrari omnino prohibitum est. Ea de re disputat Clavius Cap. 18. Exposit. Calend. tandemque concludit num. 3. ab Ecclesia sumi pro xiv.<sup>ta</sup> diem illum qui xiv.<sup>ma</sup> est numerando ab eo die inclusivè, cui præfixus est numerus Cycli decemseptennalis, eo anno Novilunia indicans, sive is dies congruat cum conjunctione Solis, ac Lune vera, medianæ, sive ab illa discrepet. Hoc ergo posito mirum est quomodo tantopere timeat ne Pascha in xiv.<sup>ma</sup> celebretur; quandoquidem in eo die, qui a Novilunio Cyclari xiv.<sup>ma</sup> est, Pascha a Catholicis nunquam fit, sed in sequentem diem Dominicum rejicitur. Quid si enim accidat Pascha celebrari xiv.<sup>ma</sup> Lunæ die juxta motus medios, nihil hoc referre debet, cum dies ille juxta Clavii doctrinam pro xiv.<sup>ma</sup> ab Ecclesia non consideretur.

Neque verò si Judæi in hujusmodi annis eodem die cum nobis Pascha celebraturi sunt (utpote qui illud secundum veterem legem semper in xiv.<sup>ma</sup> celebrant) id propterea movere nos debet; non enim ex instituto nostro, sed casu quodam sit ut cum illis concurramus, neque idcirco Pascha eo die indicimus, quòd xiv.<sup>ma</sup> sit, quæ est apud eos ejus eligendi causa, sed imò quia diem illum pro xiv.<sup>ma</sup> non consideramus, qui Cyclarem tantummodo xiv.<sup>ta</sup> quo ad Paschæ negotium agnoscimus. Quid si illi eundem diem quem nos in xiv.<sup>ma</sup> assumant, nunquam profecto cum illis in Paschæ celebratione concurreremus, quemadmodum Clariss. Cassinus in Dissertatione ab initio memorata consideravit.

Quod ut Clavii ipsius exemplo confirmem, non ne & ipse fatetur Cap. 18. num. 7., quantumcumque in Cyclaribus Noviluniis de industria retardandis laboraverit, effugere tamen non potuisse quin interdum Pascha ante Plenilunium ferè medium celebraret, hoc est eo die, quo Plenilunium post aliquot horas a meridie continebat, & sequenti diei tribuendum videbatur? Num ergo propterea hisce annis cum quasi Judaizantem culpabimus? Minimè; sed xiv.<sup>ma</sup> media missa, Cyclarem spectabimus, quæ sola pro legitima xiv.<sup>ma</sup> ab Ecclesia agnoscitur, & in qua Pascha indici omnino prohibetur. Quid ni ergo quod aliquoties, etsi rarè, Clavio licuit, liceat & nobis pauld sæpius, ut videlicet hoc pacto expressam Pontificis mentem sequamur, quam ille fraudat, & longè melius Cyclum nostrum cum celestibus motibus conformemus?

Video enim quid ad hanc doctrinam responderi possit; scilicet si solius xiv.<sup>ma</sup> Cyclaris ratio habenda foret, neque oportuisse corrigi Calendarium a Gre-

Gregorio XIII., neque ullam adhiberi sollicitudinem in exquirendo Cyclo, qui moribus cœlestibus maximè conformaretur, quod tamen Summi Pontificis iussu, & Christiani Orbis consensu incredibile factum est. Sed non ego hic motus medios negligendos autumo, imò rationem eorum maximam in eligendo Cyclo haberi contendo; at eo semel electo, atque ita temperato, ut quàm maximè fieri potest, cum illis conveniat, cum illarum curandum deinceps non esse de XIV. quæ per medios motus exhibetur, sed de ea tantùm quæ per Cyclum, utcumque alicubi natura sua imperfectum deducitur: non verò (quod Clavius facit) Cyclum ita adaptandum, ut nunquam, aut rarò cum cœlestibus motibus conveniat, sed semper Novilunia differat. Certè si Liliæ, Clavique Epactas comparemus, quod ex iis quæ ad sequentem Assertionem dicam, atque ex Tabulis ibi additis faciliè fieri potest, nemo negabit Lillianas longè meliùs Cœlo consentire, nam cum XIV.<sup>ma</sup> ex natura sua octodecim horis Plenilunium medium antevertere debeat, Lilianæ Epactæ in annis saltem 100.<sup>mis</sup> (unde reliquorum ratio sat proximè conjici potest) usque ad annum 5000. semper aliquot horis, aliquando per unum diem, rarò per diem unum eum dimidio, & cum maximè d. 1. h. 18. (quod in 26. 100.<sup>mis</sup> semel tantùm contingit) Plenilunia media antecedunt, uno excepto; in quo per 3. horas Plenilunium sequuntur. Contra Clavianæ iisdem annis, non modo 18. h. Plenilunium non anticipant, sed plerumque illud sequuntur, & non rarò 12. 13., vel 14. h., ut omittam annos non 100.<sup>mas</sup> quibus integro die, aut uno die cum 4. 5. 6. 7. horis Plenilunium succedunt. Quis ergo non videret, Lillianas conformius ad cœlestes motus digestas esse, quàm Clavianæ, ut propterea tolerabiliter detrahenda in illa sit, si ex propria Cycli ipsa rectè adaptati natura, in XIV.<sup>mas</sup> medias quandoquæ Pascha detruant, in Clavianis verò non valdè mirum, si hoc incommodum effugiant (quod neque tamen semper effugiunt) quandoquidè ferè nunquam cœlestibus motibus adaptentur.

Sed alia longè gravior instantia causam a Clavio allatam funditus evertit; Nimirum illa quidem hypothesis de concursu XIV.<sup>ma</sup> cum Paschate effugiendo maximi momenti in hoc negotio est; non ea tamen sola omnis determinandi Pascharis ratio continetur. Curandum est præterea ut Pascha non nisi intra XV.<sup>am</sup> & XXI.<sup>am</sup> Lunam primi mensis celebretur; primi inquam Mensis, non duodecimi; nam hoc adeo prohibetur, ut in Paschatis celebratione minus erratum sit, si in secundo Mense, quàm si in duodecimo celebretur, quoniam in secundo lex Moysis id fieri aliquando permittebat, duodecimo autem Mense nunquam. Verba sunt tertiz, & quintæ ex Gregorianis hypothefibus a te editis, quibus deinde succedit alia de evitanda XIV.<sup>ma</sup>, ut ita perspicue Cor rectores illi declaraverint, quemnam in hoc negotio gravissimum, quem de inde minus gravem errorem existimarent. Præsertim verò quoad duodecimum mensem effugiendum, idem lüculenter evincit Canon secundus Calendarii, in quo licet ratio afferatur dilationis Noviluniorum ab Epactis indicatorum conformis Clavianæ rationi (quandoquidè Canonis ejus Clavius ipse cum cæteris Reformatoribus Auctor est) videlicet: ut effugiarur concursus XIV.<sup>ma</sup> cum Paschate, & eo nomine excusetur quod interdum post XXI.<sup>am</sup> Pascha celebret, concluditur in hæc verba. *Minus hoc peccatum est*

quàm si ante diem xiv.<sup>m</sup> celebratur, vel in ultimo Mense, quod esset absurdissimum. Sanè duodecimo Mense Paschacelebrari, hoc est bis intra unum annum Paschalem solemnitatē haberi, sequenti autem anno nullum Pascha esse, saltem equè grave peccatum mihi videtur, ac si aliquando in xiv.<sup>m</sup> Luna celebratur; cum inconvenientius sit duplex haberi Pascha; aut nullum, quàm unicum iusto maturius. Hæc ergo cum ita sint, Clavius tamen nullo modo de gravissimo hoc errore sollicitus familiariter tam xxii.<sup>a</sup> aut xxiii.<sup>a</sup> Luna, quàm duodecimo Mense Pascha indicit. Atque ita cum temperandi Cycli rationem in has angustias conjici vidisset, ut hinc anticipanda Novilunia viderentur ad effugiendum duodecimum mensem, & Lunam xxii. (cui consilio affine periculum est ne in xiv.<sup>m</sup> & secundum mensem incurramus) hinc retardanda ut xiv.<sup>a</sup>, & secundus mensis evitetur (a quibus iterum in xiv.<sup>m</sup> mensem, & Lunam xxii. incidere proclive est) Clavius ita secundam hanc partem arripuit, ut ad primam minimè attendisse videatur.

Nam quoddam Clavianæ Epactæ Pascha sæpè exhibeant mense xii. evidentissimum est consequi ex earum retardatione, quam de industria quæsitur. Quoties enim accidit Novilunium prope ultimum terminum Paschalem, videlicet circa diem 5. Aprilis, Claviana Epacta cum illud ferè semper in sequentem diem, & aliquando in alterum ab eo rejciat, atque extra terminum Paschalem sistat, assumitur pro Novilunio primi Mensis illud, quod hoc præcessit mense Martio, & post xiv.<sup>m</sup> ejus Pascha celebratur, nempe in mense juxta Lunares motus duodecimo. Neve quis putet rarè hoc contingere, ecce labente sæculo sevicio id accidit ut alios distantiores annos omittam quemadmodum ex adjecto laterculo constat.

Anni quibus Clavius indicit Pascha Mense xii.  
juxta motus medios Sæculo Christi xviii.

Anni	Plen. media nō Paschalia	Epactæ Clavii	xiv. Clavii	Litera Dom.	Pascha Clavii
1704	20. 11. M.	xxiiii	21. M.	F E	23. M.
1723	21. 4 M.	xxiiii	21. M.	C	28. M.
1742	20. 20. M.	xxiiii	21. M.	G	25. M.
1761	20. 13. M.	xxiiii	21. M.	D	22. M.
1780	20. 5. M.	xxiiii	21. M.	B A	26. M.
1799	20. 22. M.	xxiiii	21. M.	F	24. M.

Item Clavianas Epactas exhibere Pascha xxii.<sup>a</sup> aut xxiii.<sup>a</sup> Luna, ex hoc alio laterculo perspicuum fiet pro currenti tantummodo sæculo, ut iterum omittam complures annos remotiores, quibus idem continget. Unde etiam liquet non esse audiendos eos, qui errorem quiddam hunc Clavii, agnoscen-  
tes cum tamen veluti levem excusant, clamantes non propterea totam equa-  
tionis rationem Clavianam immutandam esse. Error omnimodus, qui saltem 18.  
vici.

vicibus intra unius seculi spatium Pascha luxat, hoc est qui 4.<sup>ta</sup> pōnē Pa-  
schalium sollemnitatū partem adversus leges Ecclesiasticas indicit, an levis  
atque excusabilis dicendus sit, ipsi judicent.

Quid ergo ad hęc Clavius? Fatebitur puto celebrari Pascha Luna xxii.  
& xii. Mense juxta motus medios, sed non secundum Cyclum. At  
sur non liceat nobis idem pro Lilio respondere, fatendo scilicet ejus

Anni quibus Clavius Pascha indicit post Lunam xxi. Sæculo xviii.					
Anni	Plen. media	Epactar. Clavii	xiv. <sup>a</sup> Clavii	Litera Dom.	Pascha Clavii
1700	3. 11. A.	ix	4. A.	C	11. Apr.
1707	16. 15. A.	xxvi	17. A.	B	24. Apr.
1720	23. 13. M.	xx	24. M.	G F	31. Mar.
1724	8. 1. A.	iv	9. A.	B A	16. Apr.
1727	5. 16. A.	vii	6. A.	E	13. Apr.
1734	17. 20. A.	xxv	18. A.	C	25. Apr.
1744	28. 3. M.	xv	29. M.	E D	5. Apr.
1747	25. 18. M.	xviii	26. M.	A	2. Apr.
1754	6. 22. A.	vi	7. A.	F	14. Apr.
1774	26. 23. M.	xvii	27. M.	B	3. Apr.
1778	11. 12. A.	i	12. A.	D	19. Apr.
1798	31. 13. M.	xii	1. A.	G	8. Apr.

Epactas incidere in xiv.<sup>am</sup>, & in mensem 11. juxta motus medios, at non  
juxta Cyclum? Præsertim cum error ille Clavii dependeat a studiosa Epac-  
tarum retardatione, Lilius autem ab inevitabili imperfectiōne Cycli, qui  
aliis motibus mediis quantum fieri potest correspondet; Duplex hic nobis  
proponitur conditio. Altera adversus mentem Gregorii XIII. ut Novilunia  
Cyclaria data opera retardemus, atque ita xiv.<sup>am</sup> & secundum mensem ef-  
fugiamus. Altera juxta mentem Gregorii XIII. ut ea cum celestibus Novi-  
luniis conformemus, atque ita mensem xii. ac xxii.<sup>am</sup> Lunam præcavea-  
mus. Utra ergo eligenda erit? Utra nisi illa, quæ & menti Gregorii, &  
celestibus motibus conformior est, atque ab ipsa Cycli natura veluti insinua-  
ri videtur?

Sed hanc de xiv.<sup>a</sup> Paschalibus industriose non retardandis doctrinam mi-  
nus confiderenter proponerem, nisi celeberrimæ illius Nicænæ Synodi, & San-  
ctorum Patrum auctoritas mihi adstipularetur. Certè si Sacrosancti Pascha-  
tis celebrandi exemplum ab illis desumi potest, non hæc fuerat P. P.<sup>re</sup> evi-  
tandæ xiv.<sup>am</sup> sollicitudo, ut in Cyclis suis, etsi Epactarum Cyclo longè im-  
perfectioribus, hac de causa Novilunia diutulerint, magno incurrendi xii.

Mca.



Mensis periculo . Nam quotquot ab illis Cyclos ad Pascha celebrandum usurpato , quotquot Paschata etiam post Nicænam Synodum celebrata accepimus , ostendunt nobis eorum xiv.<sup>ma</sup> ut plurimum uno ferè die , aliquando etiam biduo Plenilunia media antecessisse , certè aut nunquam , aut rarè illis successisse , & hinc Pascha quandoque xiv.<sup>ma</sup> Luna nondum absoluta celebratum , xii. autem Mense nunquam . Evincitur hoc ex illis , quæ Anonymus in sequentibus Assertionibus habet , & clariùs ex Paschali Tabula ; quam Vir Cl. D. Maraldus anno 1702. Romæ cum esset , evulgavit . In ea enim notantur Plenilunia media , & xiv.<sup>ma</sup> ex Cyclo Aurei Numeri deductæ ab anno Concilii Nicæni 323. usque ad annum Christi 463. , unà cum diebus , quibus ex S. S. P. P. testimonio Pascha per eos annos celebratum fuisse constat . Perspicuum autem ex ejus inspectione fit xiv.<sup>ma</sup> Cyclarem præsertim in annis Concilio proximioribus , Plenilunium medium , ut dictum est semper antecessisse .

Quod cum Clavius optimè cognovisset , asserere non dubitavit in Apologia Calendarii adversus Moeftlinum lib. 2. cap. 6. §. rursus , atque alibi , inconveniens id fuisse , cum Pascha celebratum tunc fuerit in xiv.<sup>ma</sup> contra ejus Concilii decreta ; quam deinde propositionem non nihil castigavit , modestiùsque proposuit in lib. Expof. Cap. 18. n. 5. , ubi asseruit Pascha illis temporibus non in xiv.<sup>ma</sup> sed quasi in xiv.<sup>ma</sup> celebratum esse ( intelligebat enim se quoque effugere non potuisse quin interdum in hunc eundem diem impingeret ) idcirco statuit potius ex usu Ecclesiæ , & ex ejus mente esse , ut Novilunia Cycli conjunctionum tempora consequantur , quàm ut ea comitentur ; quod cum sæculo Dionysii Exigui circa annum 550. tandem fieret , convenire ut Epactæ ad ejus sæculi normam adaptentur .

Ego verò quoties de Paschatis celebrandi regula dubitaretur , credideram tutissimam rationem esse , si Nicænum Concilium totius Christiani Orbis frequentia incredibili habitum , si Cyrillus , si Theophylus , Ambrosius , & reliqui S. S. P. P. in consilium adhiberentur , neque putaveram dici posse non esse ex usu Ecclesiæ illam Paschatis rationem , quæ in eo Concilio statuta sit , quod usum optimum Paschatis indicendi proponere curaverat , ut ab omnibus Christi fidelibus servaretur . Præsertim verò credideram de hoc dubitari non posse , postquam legeram Gregorium XIII. sollicitum fuisse de Lunari ætate non ad eum statum , quem tempore Dionysii Exigui ; sed ad eum quem tempore Concilii Nicæni habuerat , revocanda , utpote qui intelligeret non aliunde posse tutiùs tantæ solemnitatis rationem deduci , quàm si Nicænz Synodi exempla , ac Patrum ejus sæculi consuetudines fidei Populo ad imitandum proponerentur . Certè Patres illos ( ut Cl. Cassinus advertit in memorata Dissertatione ) dum Pascha ita celebrarent , judaizasse , aut cum Quartadecimanis reputandos fuisse , non credideram . Sed de hoc iterùm alià qua dicenda nobis erunt , cum sequentes responsiones examinabimus .

Maneat ergo Clavianas Epactas , Tabulamque earum æquationis non modò compendio Libri , & consensui Christiani Orbis , non modò motibus cælestibus , & quod rei caput est , menti Gregorii xiii. ; sed Nicænz quoque Synodi , & Patrum exemplis adversari , licet inquam plurimis annis earum errores , propter Plenilunia ( casu , an data opera , ignoro ) postposita po-  
pula-

pulariter cognosci non possint. Ad hæc easdem Epactas, non modò sæpè in xxii.<sup>as</sup> aut xxiii.<sup>as</sup> Lunam, sed non infrequenter in duodecimum mensem incurrere, atque ita adversari etiam hypothesebus a te productis, & Canonis secundo Calendarii.

VII. Assertio Anonymi.

Verùm errores ab iis commissi in Tabula Festorum mobilium, qui in aliis omnibus 100.<sup>as</sup> non bissextilibus usque ad Annum Christi 4900. irrepere, fortè effecerunt ut in hac re a regula Gregoriana Compendii, & Tabellæ Epactarum ibi inserta, putarint esse recedendum, ne videlicet, retinendo Epactam 10. haberent decimamquartam Paschalem die 3. Aprilis, quam supponebant nimium præcedere Plenilunium medium die 4. Aprilis b. n. erroneo Calculo supputatum.

**R**espondes causam mutationis omnium Epactarum a Clavio factæ non dependere ex calculis Pleniluniorum in 100.<sup>as</sup> communibus, sed ex mutatione Epochæ Equationis, quæ cum a Lilio statuta fuisset ad tempus Concilii Nicæni (verius tamen dixeris ad primum annum Christi, ut supra ostendi) a Clavio collocata fuit ad tempus Dionysii, quando xiv.<sup>a</sup> melius indicabant dies Paschales.

Verùm si iterum petam: quæ ergo causa fuerit mutationis Epochæ huius, quandoquidem hæc deinde causa fuit mutationis Epactarum? professò comperies non malè respondisse Anonymum, dum ait fortè hoc efficisse errores in calculis Pleniluniorum commissos. Certè Clavius in expositione Cap. 19. n. 8., ut Epactas per hoc sæculum præclare dispositas esse demonstraret, quia xiv.<sup>a</sup> modò post Plenilunium, modò ante illud contingunt, in exemplum eorum annorum quibus xiv.<sup>a</sup> Plenilunia præcedunt, adducit præteris hunc ipsum annum 1700., in quo videlicet oppositionem mediam ad d. 4. Aprilis h. 11. erroneè supponit, idemque præstat pro sequenti sæculo, in quo utitur Plenilunio Paschali anni 1800. pariter erroneo. Ad hæc dum cap. 13. num. 20. §. ita autem, methodum proponit examinandæ, & corrigendæ tabulæ equationis, si fortè in ea error reperiatur (de quo tamen non nisi post longissimè distantia sæcula sibi metuit) jubet calculari Plenilunium illius anni sæcularis Epactamque assumi in Martio, vel Aprili, cuius xiv.<sup>a</sup> Plenilunium illud non amplius quàm uno die antecedit. Quidai ergo hac methodo usus fuerit Clavius etiam ad examinandas, eliciendasque Epactas 1700. annorumque aliorum, qui correctioni proximiores sunt? Denique cum ab anno 1600. ad 5000. hæc Plenilunia supputaverit, illisque Epactas suas adscripserit, valde credibile videtur tantò securiùs eas retinuisse, qui videret juxta calculum suum, in annis præsertim 100.<sup>as</sup>, unde reliquorum ratio penderet, eas perbellè Pleniluniis convenire; ut ita si non præcipua, at saltem aliqua huius electionis Epactarum causa, error ille dicendus sit; vel certè, nisi Clavius ex hac causa Epactas eas elegit, hæc tamen causa esse potuit, cur electas retinuerit.

Allegas deinde Gregorium XIII. in sua Bulla, ut ostendas causam mutationis  
nis

nis Epactarum non fuisse Pleniluniorum mediorum errorem. Sed in verbis a te adductis nil tale legitur. Solidum enim habent allata verba: Correctores Calendarii, expensis omnium Cyclis, in Cyclo tandem Epactarum conquievissse, & illi etiam nonnulla adjecisse; quod ad intentum tuum quomodo faciat non video.

Posthæc doctrinam superioribus Assertionibus a te allatam iterum inculcas, videlicet Epactas a Clavio electas legitimas esse, etiamsi xiv.<sup>am</sup> proferant, quæ Plenilunia subsequantur. Sed cum ea de re multa superius dicta sint, nihil hic addendum existimo. Quemadmodum etiam ex dictis patere arbitror responsionein ad auctoritates in hujus doctrinæ confirmatione a te allatas tam Canonis 2. Calendarii (quem supra potius contra Clavium facere ostendi, qui xiv. Mense Pascha celebrat) quam hypotheseum Gregorianarum, quæ tamen si ritè attendantur, non jubent xiv.<sup>am</sup> Plenilunio postponi, sed ad summum xv.<sup>am</sup> Certè in iisdem hypotheseibus dicitur correctores examinasse Epactarum Cyclum annos ferè 3000., Cyclumque ritè indicare Plenilunia invenisse, & hanc fateris fuisse methodum, qua usi sunt ad Epactas quovis centesimo determinandas. Iterum ergo peto, vel in hoc examine usi sunt calculis Pleniluniorum legitimis, & tunc improprie dixissent se curasse xv.<sup>am</sup> Plenilunio medio potius succedere, quam antecedere, quia non solidum xv.<sup>a</sup> evidenter illi succedit, sed & xiv.<sup>a</sup>, Clavius verò dolose fecisset, qui legitimis calculis repudiatis mendosos substituisse: vel calculis falsis, & tunc evidenter constat id quod Anonymus asseruit, videlicet errores in Pleniluniis commissos causam dedisse electioni Epactarum, & mutationi Systematis Liliani.

Denique etsi errorem ullum a Clavio in calculis Pleniluniorum perpetratum esse constanter negas, eo tamen disputationis gratia concesso, ut saltem Paschatum errores, qui ex eo nascuntur extenues, sis ex eo non sequi id quod intendimus, videlicet propter errorem illum unius diei in Plenilunio non semper xiv.<sup>am</sup> postponi Plenilunii mediis. Ad hoc demonstrandum proferas Tabulam 1.<sup>o</sup>.<sup>am</sup> communium usque ad annum 3000. unà cum horis Pleniluniorum Paschalium juxta calculum Anonymi, & vulgarem, deinde xiv.<sup>am</sup> illis adscribis e Clavii Cyclo deductas (quas vocas Epactas Cycli Antonii Lilii) & ostendis eas ferè semper antevertere Plenilunium aliquot horis, etiam si hoc per unum diem cum Anonymo sursum promotum sit. E contra Tabulæ eidem adscribis xiv.<sup>am</sup> uno die minores, quam Gregorianæ, atque ostendis eas sæpe plusquam uno die, & interdum toto biduo Plenilunium antecedere.

Verum in hac Tabula condenda, primum a Clavii cæterorumque computatorum methodo discedis. Numeras enim Pleniluniorum tempora a media nocte, cum tamen Clavius passim per totum illum expositionis librum a meridie numeret, & præsertim Cap. 19., ubi de hac ipsa re examinandæ anticipationis, vel posticipationis xiv.<sup>am</sup> expofesso agit. Sed illa scilicet eo nomine commodior temporum putatio tibi est, quod cum ira Plenilunia veluti retardata proponantur, sit xiv.<sup>am</sup> Clavii, quæ justo tardiores sunt, minus in speciem peccare, Lilianas vero eò evidentius Plenilunii tempora præcurrere. Sed gravius aliquid adversus nos committis, dum xiv.<sup>am</sup> Clavianas

com-

comparas cum  $xiv.^{ma}$  uno die minoribus quàm Clavianæ sint , quasi Lili-  
 næ , quas Anonymus tuetur , omni sæculo minores sint Clavianis die uno .  
 Sed profectò Calendarium Compendii Aloysii Lili non semper tales  $xiv.^{mas}$   
 exhibet , at in aliquibus sæculis easdem Epactas cum Clavio habet , nempe  
 in annis 2700. 3000. 3300. 3900. 4900. videlicet illis ferè sæculis , quibus  $xiv.^{mas}$   
 nostras Plenilunia maxime anticipare in Tabula tua statuebas . Itaque si cum  
 Anonymo , imò cum Clavio , cæterisque computatoribus horæ a meridie nu-  
 merentur , & si loco  $xiv.^{um}$  uno die minorum Gregorianis , Liliæ substi-  
 tuantur , Tabula illa tua in hanc aliam , quam appono , toto cælo diversam  
 transformabitur .

Ne verò fortasse quis credat ex hujus Tabulæ inspectione Clavianas Epac-  
 tas eò præclaris se habere , quòd interdum Plenilunia anticipent , interdum  
 posticipent , meminisse oportet  $xiv.^{a}$  natura sua 18. horis Plenilunium ante-  
 cedere ; quare Clavianis posticipationibus 18. illæ horæ addendæ sunt , antici-  
 pationibus verò totidem detrahendæ , ut dignoscatur quantum  $xiv.^{a}$  illæ  
 a sede sua deturbatæ sint ; Quòd si idem fiat in  $xiv.^{ma}$  Liliæ , tum de-  
 mum constare poterit longè frequentius , & accuratius has quàm illas Cælo  
 consentire ; simul autem ope Tabellæ , quam apposui  $xiv.^{um}$  sæculi Nicæ-  
 ni non solum cælestibus motibus , sed etiam Antiquorum Patrum exemplis  
 conformari eas apparebit .

**xiv. Paschales Clavianæ** in 26. annis secularibus communibus demonstrantur 12. vicibus posticipare Plenilunia media rite computata; at **xiv. Paschales Anonymi** demonstrantur fere semper, ut par est anticipare eadem, ut plurimum minus quam uno die, aliquando etiam plusquam uno die, biduo nunquam; prorsus ut in annis post Concilium Nicænum succedentibus, qui in alia Tabella proponuntur.

Anni secularis communis.	Plenilunia legitimè comput. a meridie.	xiv. Clavil.	xiv. Anonymi.	Differentia inter xiv. Clavil. & Plenilunia.	Differentia inter xiv. Anonymi & Plenilunia.
1700	3 11 A.	4 A.	3 A.	0 12 post.	0 11 ant.
1800	3 19 A.	9 A.	8 A.	0 5 post.	0 19 ant.
1900	4 4 A.	14 A.	13 A.	0 4 ant.	1 4 ant.
2100	25 7 M.	25 M.	24 M.	0 7 ant.	1 7 ant.
2200	10 16 M.	31 M.	30 M.	0 8 post.	0 16 ant.
2300	5 0 A.	5 A.	4 A.	0 0 ...	1 0 ant.
2500	14 16 A.	15 A.	14 A.	0 8 post.	0 16 ant.
2600	21 12 M.	22 M.	21 M.	0 12 post.	0 12 ant.
2700	16 10 M.	16 M.	16 M.	0 20 ant.	0 20 ant.
2900	5 12 A.	6 A.	5 A.	0 12 post.	0 12 ant.
3000	10 21 A.	11 A.	11 A.	0 3 post.	0 3 post.
3100	16 5 A.	16 A.	15 A.	0 5 ant.	1 5 ant.
3300	27 9 M.	27 M.	27 M.	0 9 ant.	0 9 ant.
3400	1 17 A.	2 A.	1 A.	0 7 post.	0 17 ant.
3500	7 1 A.	7 A.	6 A.	0 1 ant.	1 1 ant.
3700	16 17 A.	17 A.	16 A.	0 7 post.	0 17 ant.
3800	21 13 M.	21 M.	21 M.	0 13 ant.	1 13 ant.
3900	18 21 M.	18 M.	18 M.	0 21 ant.	0 21 ant.
4100	7 14 A.	8 A.	7 A.	0 10 post.	0 14 ant.
4200	12 22 A.	13 A.	12 A.	0 2 post.	0 22 ant.
4300	18 6 A.	18 A.	17 A.	0 6 ant.	1 6 ant.
4500	29 10 M.	30 M.	29 M.	0 14 post.	0 10 ant.
4600	3 18 A.	3 A.	2 A.	0 18 ant.	1 18 ant.
4700	9 2 A.	9 A.	8 A.	0 2 ant.	1 2 ant.
4900	18 19 A.	18 A.	18 A.	0 19 ant.	0 19 ant.
5000	25 14 M.	25 M.	24 M.	0 14 ant.	1 14 ant.

**xiv. Paschales ex aureo Numero** deductæ in 26. primis annis a Concilio Nicæno, ostenduntur semper præcedere Plenilunia media a meridie computata, etiam plusquam uno die. excerpta ex Tab. D. Maraldi.

Anni Christi.	A. N.	Plenilunia Paschalia.	xiv. ex Cyclo. aur.	Anticipatio xiv.	Pascha.
323	1	6 21 A.	5 A.	1 21	7 A.
324	2	16 8 M.	15 M.	1 8	19 M.
325	3	14 5 A.	13 A.	1 5	18 A.
326	4	3 14 A.	2 A.	1 14	3 A.
327	5	13 23 M.	21 M.	1 23	26 M.
328	6	10 20 A.	10 A.	0 20	14 A.
329	7	31 5 M.	30 M.	1 5	6 A.
330	8	19 3 A.	18 A.	1 3	19 A.
331	9	8 12 A.	7 A.	1 12	11 A.
332	10	27 20 M.	27 M.	0 20	2 A.
333	11	15 18 A.	15 A.	0 18	22 A.
334	12	5 3 A.	4 A.	1 3	7 A.
335	13	25 12 M.	24 M.	1 12	30 M.
336	14	12 9 A.	12 A.	0 9	18 A.
337	15	1 18 A.	1 A.	0 18	3 A.
338	16	22 3 M.	21 M.	1 3	16 M.
339	17	10 0 A.	9 A.	1 0	15 A.
340	18	29 9 M.	29 M.	0 9	30 M.
341	19	17 7 A.	17 A.	0 7	19 A.
342	1	6 15 A.	5 A.	1 15	11 A.
343	2	27 0 M.	25 M.	2 0	27 M.
344	3	13 22 A.	13 A.	0 22	15 A.
345	4	3 7 A.	2 A.	1 7	7 A.
346	5	23 15 M.	22 M.	1 15	23 M.
347	6	11 13 A.	11 A.	0 13	12 A.
348	7	30 22 M.	30 M.	0 22	3 A.

Quid si verò placeat computos institui a media nocte, quamquam id computatorum, & Clavii ipsius usui contrarium sit, non recuso, dummodo Nicæni quoque sæculi Plenilunia eodem pacto supputes, & anticipationes *xiv.<sup>mo</sup>* etiam pro illis annis 12. horis adaugeas. Non enim timco ne excessiva illarum anticipatio Anonymo obicit, quasi ab Ecclesia minimè observanda; sed potius quòd ea major est, eò præstantius cum Epactis Lilianis actum censeo, quæ longè melius quàm Clavianæ rationem illam celebrandi Paschatis, Patrum consuetudine, ac totius Christiani Orbis consensu comprobata, emulantur.

Addis hic iterùm quædam de calculis Pleniluniorum mediorum, sed quibus ad Assertionem tertiam satis factum esse crediderim.

### VIII. Assertio Anonymi.

Licet autem Plenilunia media, quæ post dies integros non redeunt diversis annis, non possint eandem servare distantiam a meridie *xiv.<sup>mo</sup>* sub eodem meridiano, sed ultrò cirròque per multas horas, & quandoque per diem integrum vagentur, id tamen observare contueverunt S.S.P.P. qui Paschales Canones in usum Ecclesiæ condiderunt, ut in Epochis, & Æquationibus, in *xiv.<sup>mo</sup>* Paschalem assumerent diem, cujus merides Plenilunium medium pluribus horis & quandoque die uno, & amplius præcederet, ut percurrendo Canones ab antiquissimis temporibus ad hanc usque diem in Ecclesia tam ante, quàm post Concilium Nicænum receptos, videre est.

**R**espondes, primò consentaneum esse ita disponere Epochas Cycli Paschalis, ut *xiv.<sup>mo</sup>* illius, quantum fieri potest, non sint ante Plenilunium medium nisi horis 18. (quod est tempus conveniens *xiv.<sup>mo</sup>* ne Pascha celebretur in ea cum Hebræis, & Quartadecimanis, vel, quod absurdius foret, ante eam) neque post plures dies, ne Pascha celebretur in secundo Mense, ubi legendum puto in duodecimo; clarum enim ex posticipatione Lunæ nullum sequi periculum, ne Pascha celebretur in 2.<sup>do</sup> Mense, at quidem ne in 12.<sup>mo</sup>.

Ex quibus colligo te eam solummodo dispositionem Epochæ Cyclaris præ legitima agnoscere, quæ vel collocat *xiv.<sup>mo</sup>* 18. h. ante Plenilunium, vel minus quàm 18. horis, vel denique in ipso Plenilunio, aut post ipsum uno, vel altero die ad summum; eam verò prorsus excludere, quæ vel tantillum ante h. 18. *xiv.<sup>mo</sup>* statuit. Sed peto a te, V. Cl., unde hanc regulam *xiv.<sup>mo</sup>* disponendæ deduxeris? Non puto te dicturum ex Clavio; nam de Clavii regulis ipsius controversia inter nos est. Fortasse ergo ex S.S. P. P. ? atqui paulò post in hac, & sequentibus responsionibus negas ex S. S. P. P. ullam regulam circa hoc deduci posse; & certè, si ulla deduceretur, ea esset regulæ prorsus opposita; cum S. S. P. P. *xiv.<sup>mo</sup>* Cyclorum radicales semper Plenilunio anteposuerint ultra h. 18. ut Anonymus demonstravit. Num ergo ex Bulla Gregorii XIII. ? ac hæc sanè jubet *xiv.<sup>mo</sup>* in eum statum restitui, quem

E 2 tem.

tempore Concilii Nicæni habuerant, & ita implicite docet Epocham illarum in novo Cyclo potius Plenilunii anteponendam ultra h. 18., quàm uno, vel altero die postponendam. Sed neque dicere potes regulam hanc deduci ex conformitate, quam xiv.<sup>ma</sup> habere debet cum motibus celestibus; nam hæc conformitas postulat ut xiv.<sup>ma</sup> vel præcisè antecedit Plenilunium h. 18.; vel certè, si Cycli imperfectio id non finit, non magis postulat ut illa Plenilunium uno, alterove die sequatur, quàm ut uno, alterove die antecedit. Usam ergo remanet, ut dicas deduci illam ex necessitate concursus effugiendi xiv.<sup>ma</sup> cum Paschate, & Paschatis Christiani cum Judaico; & de facto propter hanc rationem insinuari talem regulam non modò a Clavio, sed ab omnibus Gregorianis Reformatoribus inter eorum hypotheses. Verùm supra ostendi quatenus absurdum illud timendum, atque evitandum sit; simul allegavi absurdum aliud non valde excusabilius, quod ex hac tua xiv.<sup>ma</sup> dispositione consequeretur: Celebrationem Paschæ in mense xii. Quo ad Reformatores autem Gregorianos, nego absolute jussisse eos in hypothesibus xiv.<sup>ma</sup> industriose tardiores fieri; cum diserte professi fuerint, inconveniens esse, & sine exemplo, si in xii. Mense Pascha celebraretur.

Pergis deinde: S. S. P. P. in Cyclis decennovennalibus Epochas non cognovisse, neque nimiam anticipationem, aut posticipationem xiv.<sup>ma</sup> & aliàs aut Cyclos suos emendassent, adhibitis Equationibus, aut eis uti non fuissent. Qua in responsione primum nescio an omnino ad rem addideris verba illa in *Cyclis decennovennalibus*, non enim omnes Cycli S. S. P. P., qui ab Anonymo in exemplum afferuntur, decennovennales fuerunt. Deinde quomodo S. S. P. P. Epochas non cognoverint, planè non intelligo. Cum enim Cycli acephali, hoc est sine ullo initio, aut Epochæ saltem imaginaria in usum deduci non possint, oportet S. S. P. P. Cyclis suis aliquod initium hoc, vel illo anno fecisse. Qui ergo dicat S. S. P. P. Cyclorum, quos ipsi proponebant Epochas, sive initia non agnovisse, is dixerit S. S. P. P. quid ipsi agerent ignorasse, quod inauditum, atque periculosum est. Deinde, quid si anticipationem, vel posticipationem xiv.<sup>ma</sup> suarum non agnoverint, verum equidem est, si agatur de ea, quæ tractu temporis ex Cyclorum imperfectione succrescebat, quamque propterea si perspectam habuissent, & opportune æquationes in promptu illis fuissent, utique emendassent; sed falsum, si agatur de anticipationem xiv.<sup>ma</sup> in ipsis annis pro Cyclorum Epochæ assumptionis, & aliquot etiam sequentibus saltem per unam, vel alteram Cycli conversionem. Incredibile enim est, aut certè nullatenus præsumendum viros sapientissimos, qui præsertim Alexandriæ floruerunt, hoc est in Urbe omnium Christiani Orbis in Astronomicis disciplinis clarissima: quorum diligentia Concilium Nicænum indicendi quoque anno Paschatis negotium dederat: qui denique in promptu habebant Tabulas ab Astronomorum Principe Ptolemæo paulò ante in eadem Urbe editas; hos inquam viros ignorasse verum tempus Plenilunii pro eo anno, quem Cyclis suis initialem faciebant, ut reliqui ex eo in posterum ordinarentur; ita ut non adverterent xiv.<sup>ma</sup> ab eis constitutas tanto tempore Plenilunium medium antecedere. Hoc autem Anonymo sufficit; non enim contendit eorum Cyclos esse undequaque per-

perfectos ; sed tantum observat in hac, & sequentibus Assertionibus <sup>xiv. mss</sup> ab iis exhibitas, primis Cyclorum annis semper Plenilunium antecedere, nunquam illi succedere.

Cæterum, quidquid de hoc sit, coniens in Gregoriana reformatione merito electum fuisse pro Epochæ Equationis Cycli Epactarum sæculum Dionysii Exigui, quia eo tempore <sup>xiv. mss</sup> Paschales ferè conveniebant cum <sup>xiv. mss</sup> mediis, quod non verificaretur si Epochæ illa posita fuisset sæculo Concilii Nicæni, ut supra te demonstrasse confidis.

Ego verò, V. Cl. neque video ubi supra id demonstraveris, & certè curavi ut nihil eorum, quæ in hanc rem a te dicta sunt, intactum relinquere-  
tur. Fateor allegasse te supra Petavium, hoc idem ferè asseverantem ; ait enim *Nicæno sæculo xv. mss* *Cyclicas incidisse ferè in xv. mss* *Celestis* ; *Dionysii vero tempore xv. mss* *Civiles exactè Plenilunio celestibus respondisse, & terminos Paschales castigatissimos factos esse*. Quam doctrinam ut confirmes, ad calcem operis tui duas Tabulas exhibes, quarum altera ostendit quantum <sup>xiv. mss</sup> Cycli decennovennalis anteverteret Plenilunium sæculo Nicæno, altera hoc idem demonstrat sæculo Dionysiano ; ut ex earum collatione constet priore quiddam sæculo præcessionem ad biduum ascendere, posteriore autem nunquam eò usquo pervenire, sed ut plurimum Cyclares <sup>xiv. mss</sup> debito intervallo Plenilunia antevertere.

Sed primum, quidquid sit de Petavii mente, nec non de Tabulis a te al-  
latis, inconcussa manet Anonymi propositio : *J. S. P. P. consuevit in Epoc-  
bis suis xv. mss* *assumere, cujus meridies Plenilunium medium aliquot horis, &  
quandoque uno die præcederet*. An autem hoc ritè ab illis factum sit ; an tutius sit <sup>xiv. mss</sup> Plenilunio anteponi potius ut Nicæno, quàm ut Dionysiano tempore factum est ; an Gregorius XIII. antiquiorum exemplum imitari constituerit ; ad aliam quæstionem pertinet, quæ nisi fallor in iis, quæ ad respon-  
sionem tuam 6. & 7. dixi, plenè discussa fuit.

Deindè, quanquam concedam anticipationem <sup>xiv. mss</sup> Cyclarium Auræi Numeri Nicæno sæculo fuisse paulò majorem, quàm motus celestes posce-  
rent, nego tamen, aut eam fuisse intolerabilem, aut statum <sup>xiv. mss</sup> Dionysii tempore moribus celestibus conformiorem. Aliud est enim <sup>xiv. mss</sup> Cyclarem præcedere Plenilunium, aliud præcedere sedem sibi debitam. Ho-  
rùm prius adeo in Cyclo erroneum non est, ut imò ex rei natura tribuenda sit <sup>xiv. mss</sup> præcessio h. 18. ante Plenilunium, quantum fieri potest, & Cy-  
cli imperfectio permittit ; sedes enim <sup>xiv. mss</sup> mediæ, cui Cyclarem conformari oportet, 18. h. Plenilunium præcedit. Secundum verò, nempe quod <sup>xiv. mss</sup> præcedat sedem suam, hoc est 18. ante Plenilunium horam, fa-  
teor erroneum esse ; sed contendo æquè erroneum, quantum ex rei natura est, si <sup>xiv. mss</sup> hanc sedem sequatur, hoc est si minùs quàm 18. horis Pleni-  
lunium antecedit, vel, quod pejus, post Plenilunium contingat. Quo-  
tiet ergo inveniatur <sup>xiv. mss</sup> Plenilunium præcedens, non continuò tota illa  
præcessio vitio verti debet, sed 18. horis mûltanda est, ut emergat tempus,  
quo <sup>xiv. mss</sup> sedem suam prævenit, vel si minor 18. horis fuerit, demenda  
est præcessio ipsa ex h. 18., ut appareat quantum <sup>xiv. mss</sup> sedem suam se-  
qua-



quarur. Contrà, si contingat hanc Plenilunio succedere, addendæ sunt illi temporibus h. 18. ut totalis xiv.<sup>ma</sup> a sede sua posticipatio eliciatur.

Quodd si ergo juxta hanc regulam Dionysianam, Nicænumque sæculum comparemus, parebit xiv.<sup>ma</sup> Cyclarem Nicæno sæculo minùs a sede sua in antecessum distitisse, quàm sæculo Dionysiano in consequentia distiterit. Comparatio facillè fieri potest per tuas ipsas Tabellas, quas memoravi; dummodo juxta omnium Computatorum, atque ipsius Clavii morem horæ a meridie numerentur, non a media nocte, contrà quàm in Tabulis tuis factum est. Non enim puro debere nos ad defendendum Clavium uti alia methodo computationis ab ea, qua Clavius ipse usus est. Et quanquam Ecclesiæ dies a media nocte auspiceretur, quantum ad Ecclesiasticos ritus, sacrasque Ceremonias pertinet; in calculis tamen vulgarem usum, quo dies a meridie inchoantur, non deserit. Itaque comparatione sic facta, invenio Nicæno sæculo maximam præcessionem Cyclaris xiv.<sup>ma</sup> ante Plenilunium contigisse anno 343. & fuisse d. 2. h. o., e quibus si tollantur h. 18. erit maxima præcessio xiv.<sup>ma</sup> ante sedem suam d. 1. h. 6. Jam autem sæculo Dionysiano, posticipatio ejusdem maxima anno 588. fuit h. 18. quibus si h. 18. adjiciantur fiet maxima ejus posticipatio a sede sua d. 1. h. 12. Perspicuum ergo est Cyclarem xiv.<sup>ma</sup> magis hic in consequentia a sede sua distare, quàm Nicæno sæculo in præcedentia distiterit. Vel si mavis medium aliquem xiv.<sup>ma</sup> errorem ad utrumque sæculum supputare; Nicæno sæculo (ab anno scilicet 323. ad 423.) posticipatio maxima a Plenilunio contigit anno 412. fuit enim xiv.<sup>ma</sup> 13. Aprilis, cum Plenilunium accidisset 12. Aprilis h. 4. p. m., & ita posticipatio fit h. 20. a Plenilunio, & d. 1. h. 14. a sede sua. Anticipatio autem maxima fuit eo anno, ut dixi, d. 1. h. 6. Itaque errorum summa est d. 2. h. 20. & dimidia d. 1. h. 10. e qua subducta anticipatione d. 1. h. 6. restat medius error xiv.<sup>ma</sup> Nicæno sæculo h. 4. & quidem in posticipationem. At Dionysiano, posticipatio maxima est d. 1. h. 12. ut dictum est; anticipatio maxima anno 571. d. 1. h. 7. ante Plenilunium, seu d. o. h. 13. ante sedem suam; errorum summa d. 2. h. 1., dimidia d. 1. h. o.  $\frac{1}{2}$  e quo dempta anticipatione h. 13. restat medius error xiv.<sup>ma</sup> h. 11.  $\frac{1}{2}$  in posticipationem utique major quàm Nicæno sæculo. Vel si denique placeat normam sumere statumquem xiv.<sup>ma</sup> utroque sæculo habuit a præcessionibus, vel. posticipationibus, quæ frequentius illis temporibus contigisse observantur; & mensuram aliquam sumamus distantiæ xiv.<sup>ma</sup> a sede sua, quam excedere non oporteat, tam in antecessum quàm in posticipationem, ex. gr. h. 18.; fatebor Nicæno sæculo contigisse 16. vicibus ut Cyclaris xiv.<sup>ma</sup> sedem suam ultra h. 18. anteverat, scilicet annis 323. 326. 327. 331. 335. 342. 343. 346. 351. 362. 363. 367. 383. 399. 403. 409. sed e contrà Dionysiano sæculo accidit ut eadem 20. vicibus sedem suam ultra h. 18. consequatur; annis videlicet 504. 508. 512. 520. 528. 529. 548. 549. 550. 561. 564. 565. 568. 569. 580. 584. 586. 588. 596. 600. Quis ergo dixerit Dionysiano sæculo xiv.<sup>ma</sup> Paschales ferè convenisse cum xiv.<sup>ma</sup> mediis, non autem Nicæno sæculo? Quis non agnoscat doctissimum illum Petavium aliquo partium studio ductum, ut assereret Dionysii tempore xv.<sup>ma</sup> exactè Pleniluniis Cælestibus respondisse, & terminos Paschales castigatissimos fa-

ctos

etios esse, aut castigatiores quàm Nicæno sæculo fuissent?

Sed opportunè hic mihi accidit ut tertiam quoque Tabulam, quam post duas hæcenus expensas in fine libri tui exhibuisti, ad trutinam revocem. Hanc eo consilio proponis, ut ostendas quàm intolerabilis Lunæ præcessio emergat intra hæc proxima septendecim sæcula, si radix *Æquationis Cycli Epactarum* cum Aloysio Lilio statuatur ad tempus Concilii Nicæni; supponis enim, quemadmodum supradixi ad Assertionem VII. Lillii radicem ad id temporis positam esse, quam tamen ibidem ostendi ad Annum Christianæ *Æræ* primum fuisse collocatam; sed quidquid de hoc sit, litem non movebo, cum præsertim parùm ad rem nostram faciat, utrum verius dicatur, dummodo constet agi hic de Epactis ab Aloysio Lilio in *Compendio Calendarii* traditis, atque a Clavio postmodum rejectis. Prima ergo facie videtur Tabula tua totum Lillii Systema convellere, exhibet enim 475. annos, quibus xv.<sup>ma</sup> præcedunt Plenilunia media uno die, & multoties biduo ab Anno Christi 1583. post correctionem primo, usque ad annum 3298.; ex quo deinde sequitur xiv.<sup>mas</sup> iisdem annis biduo, & multoties triduo Plenilunia media præcessuras; quod absurdum, & rectè Paschatis celebrationi contrarium esse meritò proferis.

Verùm, si in Tabulam illam paulò diligentius inquiramus, liquidò constabit e tanto annorum numero vix paucos superesse, quibus adèd insignis (neque tamen ut ostendam intolerabilis) præcessio imputanda sit; reliquos autem, vel ex suppositis minùs certis in hunc censum adscriptos esse, vel certè adversus Lilianas Epactas, prout ab Anonymo defenduntur, nihil facere.

Quod ut demonstremus, primò considerandum est Anonymum in hoc scripto non ita Lilianam doctrinam Clavianæ antepone, ut hanc in universum rejiciendam, illam eligendam putet. Litem solummodo intentat adversus Tabulam *Æquationis Epactarum* Clavii, cui anteponendam censet eam, quæ a Lilio in *Compendio Calendarii* proponebatur. Ceterùm dispositionem Epactarum diurnarum, quæ singulis Calendarii diebus adscribuntur, a Clavio introductam, & Tabulam expansam, quæ ab eodem, convenienter ad suam hanc Epactarum dispositionem, digesta fuit, nullatenus culpata, agnoscens procul dubio perfectiorem, atque laudabiliorem in hac re Clavii, quàm Lillii methodum, propter rationes ab illo adductas in Libro expositionis Cap. 10. num. 8. & seqq. Esse hanc Anonymi mentem ex eo liquet, quòd Epactas diurnas Calendario Gregoriano adscriptas (etsi alicubi diversa ab illis, quas in Calendario Compendii Lillii exhibuerat) nunquam in jus vocet, sed illam tantummodo, quam dixi, *Æquationis Tabulam*; ac temporarias ab ea deductas exagitet; præsertim verò assertionem xv. (ubi remedium ad restituendas saltem hoc sæculo suam in sedem xiv.<sup>am</sup> insinuat) nil aliud poscat quàm ut Epactæ accipiantur adhuc, usque ad annum 1799. ex Tabella, quæ ab anno Correctionis hucusque inservivit; quasi hoc ipso significaret necessarium sibi non videri, ut in reliquis a vulgata post Gregorianam Correctionem methodo discedamus. Itaque ut Anonymi doctrina per hanc tuam tertiam Tabulam absurditatis convincatur, oportet primò assumere quo-

quovis sæculo literam Epactarum Indicem in Tabula Equationis Compendii; deinde invenire lineam Epactarum huic literæ convenientem in Tabula expansa Claviana, non autem in Liliana; denique Epactam, quæ in hac linea aureo numero propositi auri correspondet, quærere in Calendario Claviano, non autem in Liliano; ita enim habebitur dies Novilunii xiv.<sup>ma</sup> & xv.<sup>ma</sup> secundum Anonymi mentem: quod si hæc inveniatulr ultrà quàm par est Plenilunium medium antecedere, tum demum id Anonymo vitio vertendum erit. Cæterùm si non modò literæ Epactarum Indices, sed etiam Tabula expansa, & Epactæ diurnæ Calendarii ex Lilio defumantur in hoc examine, & tum verò nimia xv.<sup>ma</sup> præcessio inveniatulr; Lilianum quidem systema impugnabitur, sed adversus Anonymum nihil fiet. f

Secundò animadvertendum, quod etsi regulariter literæ Indices Epactarum Tabellæ æquationis Compendii una sede promtiores sunt Clavianis, itaut exhibeant in Tabula expansa lineam Epactarum unitate majorem, aliquando tamen cum Clavianis concordant, & easdem cum illis Epactas exhibent. Deinde, quoties una sede Clavianis promtiores sunt, non sequitur semper Novilunia Liliana, & xiv.<sup>ta</sup> aut xv.<sup>ta</sup> Lilianas uno die Clavianis citiores esse, dummodo tamen juxta regulam numero præcedenti propositam dies isti ad mentem Anonymi determinentur. Primò enim, si Epacta Claviana fuerit xxiii., Liliana erit xxiv., & xv.<sup>a</sup> Clavianæ uno mense Lilianas antecedent; erit enim xv.<sup>a</sup> Clavii d. 22. Martii, Liliana d. 19. Aprilis, quod video in Tabula tua optimè servatum fuisse. Secundò si Epacta Clavii fuerit xxiv. & quidem sub una ex literis Indicibus E, n, b, B, K, N, t, g, G, r, e, Epacta Lilii erit xxv., & tunc Clavii, Lillique Neomeniæ Paschales, & consequenter xiv.<sup>a</sup> ac xv.<sup>a</sup> concordabunt in eodem die; quandoquidè Epactæ xxiv. xv. eisdem diei 5. Aprilis in Calendario Claviano adscriptæ sunt. Tertiò pariter si Epacta Clavii fuerit 25. Caractere non Romano, sed Sarracenicò descripta (cujusmodi Epactas Sarracenicis vocat V. Cl. P. Bonjour in egregio opere Romani Calendarii nuper edito) Epacta Lilii erit necessario xxvi. & tunc pariter juxta utrumque accidet xv.<sup>a</sup> Paschalis d. 18. Aprilis. In omnibus denique reliquis casibus xv.<sup>a</sup> Lilii hac methodo determinata uno die citius indicabitur, quàm ab Epactis Clavii indicetur.

His præsuppositis ad examen Tabulæ tuæ venio. Et primùm constat ex dictis omnes annos, quibus Clavio, Lillioque convenit in litera Epactarum Indice, e catalogo tuo expungendos esse. Invenio autem intra decursum septendecim sæculorum, quæ recenses, contingere hoc tribus centesimis; nempe sæculo 2400., quo Index Epactarum Clavio Lillioque communis est A; sæculo 2700., quo Index est t; & sæculo 3000. quo Index est f; sub hisce tribus sæculis 33. annos adnotaveras, quibus Lilio, sive Anonymo excessivas xv.<sup>ma</sup> præcessionès imputabas, supponens eorum xv.<sup>ta</sup> semper uno die Clavianis minores esse. Itaque e 475. remanebunt anni Censuræ tuæ adhuc obnoxii 442.

Deinde, cum tu Pleniluniorum mediorum tempora a media nocte numeres, quæ ex ipsius Clavii usu a meridie deducenda sunt, omnia Tabulæ

tuz

tuæ Plenilunîa, atque adeo omnes xv.<sup>um</sup> anticipationes 12. horis multatim  
dæ sunt, ut sæpius dictum est. Quocirca anticipationes illæ quæ ad d. 1.  
h. 12. non perveniunt, facta hac detractiōe ad diem integrum non ascen-  
dent, & ab hac Tabula tollendæ erunt, in qua tantum anticipationes  
xv.<sup>um</sup>, quæ saltem ad diem solidum pertingant, recensere te poteris; &  
merito quidem tollendæ; non enim magis intolerabilis censi debet anti-  
cipatio xv. = minor uno die, quàm anticipatio xiv. = minor biduo respec-  
tu Plenilunîi, hoc est minor d. 1. h. 6. respectu propriæ sedis; quam uti-  
que tolerabilem, & Nicæno sæculo familiarem fuisse supra demonstravi.  
Anni autem Tabulæ tuæ quibus xv.<sup>um</sup> anticipatio ad d. 1. h. 12. non ascen-  
dit, non consideratis 33. quos supra exjunximus, inveniuntur 299. (eos  
non enumerabo cum quilibet Tabulam tuam percurrendo statim agnosce-  
re possit) itaque e tanto numero supersunt jam anticipationes Liliæ,  
quæ inexcusabiles hæcenus videntur, solummodò 143.

Ad hæc in ea columna, in qua xv. a Paschales uno die minores Gregorianis referre suscepisti, refers saltem 79. infrascriptas, quæ non uno die, sed biduo Gregorianis, sive Clavianis minores sunt, ut mirum deinde videri non debeat, si adeo Plenilunia antevertant. Dixi saltem 79. infrascriptas; nam alias quoque plurimas eodem vitio laborantes invenio, sed quia præcessionem, quæ iis conveniunt ad d. i. h. 12. non pertingunt, atque adeo

[illegible]

**E** **Anni**

Anni	xv. que Anonymo impun- tur in 3. Tabu- la & Cl- avianis bi- duo mino- res sunt	index Epa- rati Lili- ano	Au- rens Nu- me- rus	Epactæ Anony- mi	xv. que Anony- mi	Anni	xv. que Anonymo impun- tur in 3. Tabu- la & Cl- avianis bi- duo mino- res sunt	index Epa- rati Lili- ano	Au- rens Nu- me- rus	Epactæ Anony- mi	xv. que Anony- mi
1601	16 A.	E	6	xxvii	17 A.	1517	15 A.	A	1	xxviii	16 A.
1613	16 A.	E	6	xxvii	17 A.	1518	17 A.	A	9	xxvii	18 A.
1618	16 A.	E	6	xxvii	17 A.	1519	14 A.	A	13	xxix	15 A.
1715	17 A.	D	6	xxvi	18 A.	1546	15 A.	A	1	xxviii	16 A.
1802	16 A.	D	17	xxvii	17 A.	1565	15 A.	A	1	xxviii	16 A.
1812	14 A.	D	9	xxix	15 A.	1595	14 A.	A	12	xxix	15 A.
1828	29 M.	D	5	xv	30 M.	1601	16 A.	u	3	xxviii	17 A.
1839	17 A.	D	6	xxvi	18 A.	1622	16 A.	u	2	xxvii	17 A.
1843	17 A.	D	6	xxvi	18 A.	1641	16 A.	u	1	xxvii	17 A.
1851	14 A.	D	9	xxix	15 A.	1679	16 A.	u	1	xxvii	17 A.
1859	16 A.	D	17	xxvii	17 A.	1698	16 A.	u	1	xxvii	17 A.
1869	17 A.	D	6	xxvi	18 A.	1811	16 A.	u	1	xxvii	17 A.
1870	14 A.	D	9	xxix	15 A.	1821	15 A.	u	13	xxviii	16 A.
1886	17 A.	D	6	xxvi	18 A.	1831	16 A.	u	1	xxvii	17 A.
1889	14 A.	D	9	xxix	15 A.	1842	15 A.	u	13	xxviii	16 A.
1927	15 A.	C	9	xxviii	16 A.	1850	16 A.	u	1	xxvii	17 A.
1946	15 A.	C	9	xxviii	16 A.	1869	16 A.	u	1	xxvii	17 A.
2003	15 A.	C	9	xxviii	16 A.	1888	16 A.	u	1	xxvii	17 A.
2117	15 A.	C	9	xxviii	16 A.	1899	15 A.	u	13	xxviii	16 A.
2155	15 A.	C	9	xxviii	16 A.	1907	17 A.	1	1	xxvi	18 A.
2174	15 A.	C	9	xxviii	16 A.	2910	14 A.	1	4	xxix	15 A.
2193	15 A.	C	9	xxviii	16 A.	2926	17 A.	1	1	xxvii	18 A.
2204	14 A.	B	1	xxix	15 A.	2939	14 A.	1	4	xxix	15 A.
2215	13 A.	B	12	*	14 A.	2945	17 A.	1	1	xxvi	18 A.
2221	14 A.	B	1	xxix	15 A.	1967	14 A.	1	4	xxix	15 A.
2231	16 A.	B	9	xxvii	17 A.	2981	17 A.	1	1	xxvi	18 A.
2234	13 A.	B	12	*	14 A.	1986	14 A.	1	4	xxix	15 A.
2242	14 A.	B	1	xxix	15 A.	3100	15 A.	8	4	xxviii	16 A.
2250	16 A.	B	9	xxvii	17 A.	3111	14 A.	8	15	xxix	15 A.
2261	14 A.	B	1	xxix	15 A.	3119	15 A.	8	4	xxviii	16 A.
2291	13 A.	B	12	*	14 A.	3130	14 A.	8	15	xxix	15 A.
2299	14 A.	B	1	xxix	15 A.	2138	15 A.	8	4	xxviii	16 A.
2307	17 A.	A	9	xxvi	18 A.	2177	15 A.	1	4	xxviii	16 A.
2318	15 A.	A	1	xxviii	16 A.	2187	14 A.	8	15	xxix	15 A.
2337	15 A.	A	1	xxviii	16 A.	2193	15 A.	8	4	xxviii	16 A.
2375	15 A.	A	1	xxviii	16 A.	3214	15 A.	8	4	xxviii	16 A.
2383	17 A.	A	9	xxvi	18 A.	3233	15 A.	1	4	xxviii	16 A.
2394	15 A.	A	1	xxviii	16 A.	3271	15 A.	8	4	xxviii	16 A.
2408	15 A.	A	1	xxviii	16 A.	3290	15 A.	8	4	xxviii	16 A.
2419	14 A.	A	12	xxix	15 A.						

alio titulo e Tabula tua expunctæ jam sunt, de illis singulis enunciandis sollicitus non fui. Cur autem hæ xv. biduo Gregorianas anteverrant, ea est causa, quod tu ad earum dies determinandos non Claviano, at Liliano Calendario usus fueris. Rem ita esse ex singularum observatione aptè colligitur. Cum enim Epactæ a literis Indicibus Lilianis exhibitæ unitate tantum majores sint Clavianis, non possent xv. biduo minores exhibere, si in eodem Calendario quærerentur, in quo Clavianæ quæruntur, hoc est in Claviano, cujus

cujus usum Anonymo etiã communem esse superius dictum est . ex gratia anno 1601. Epacta Clavii est xxvi. exhibens in Clavii Calendario xv.<sup>m</sup> 18. Aprilis. Liliã autem, unitate solummodò major, est xxvii. quæ utique in eodem Calendario xv.<sup>m</sup> exhibet 17. Aprilis ; quare cum tu eam consignes 16. Aprilis, perspicuum est te non Clavii Calendario in hoc die determinando usum esse, sed Liliæ, in quo Epactæ omnes incipiendo a xxv. usque ad xxx. seu \* uno die citius adscriptæ sunt quàm in illo ; & de factò plerisque omnibus hisce 79. annis Epactæ currentes intra terminos xxv. & \* continentur ( excipio annum 1818. cujus Epacta est xvi. quæ in utrovis Calendario xv. habet die 30. Martii, quare cum tu eam consignes d. 29. patet te in hoc anno calculo lapsum esse ) sed profecto de xv.<sup>a</sup> hoc pacto determinaris viderit Lilius, non Anonymus, qui literas quidem Epactarum Indices ex Lilio desumi postulat; Calendarium verd ipsum cum Epactis a Clavio adscriptis Liliã no postponi non præsumit, ut paulò antè dictum est . Itaque cum hæc 79. xv.<sup>a</sup> contra Anonymum nihil faciant, excludendæ & ipsæ e tua tabula sunt, atque ita difficultas omnis ad 64. tantùm annos redacta est .

Iterùm verd in hisce residuis 64. annis, quoties Claviana Epacta est xxiv. sub una ex literis Indicibus E; n, b, B, K, N, t, g, G, r, c, ( atque ita Liliã evadit xxv. ) vel est 25. Sarracenica sub quacumque litera ( atque ita Liliã evadit xxvi. ) qui quidem anni sunt omnino 27 ; fit ut xv.<sup>a</sup> juxta Anonymi mentem determinatæ non sint uno die minores Clavianis, sed iisdem diebus contingant, ut superius monui . Quare cum tu eas determines uno die citius Clavianis, perspicuum est te iterùm Anonymi mentem non sequi, & Liliã Calendarium loco Claviani usurpare . Eos annos sequens Tabella exhibet.

Annus	xv. quæ A nonymo imputan- tur in 3. tua Ta- bula.	Index Epact. Lili.	Aur. num.	Epactæ Anony- mi.	xv. Anonymi.
1905	18. A	C	6	xxv	19. A
1943	18. A	C	6	xxv	19. A
1962	18. A	C	6	xxv	19. A
2019	18. A	C	6	xxv	19. A
2106	17. A	C	17	xxvi	18. A
2114	18. A	C	6	xxv	19. A
2133	18. A	C	6	xxv	19. A
2152	18. A	C	6	xxv	19. A
2162	17. A	C	17	xxvi	18. A
2171	18. A	C	6	xxv	19. A
2190	18. A	C	6	xxv	19. A
2611	18. A	u	9	xxv	19. A
2801	18. A	u	9	xxv	19. A
2839	18. A	u	9	xxv	19. A
2858	18. A	u	9	xxv	19. A
3116	18. A	s	1	xxv	19. A
3127	17. A	s	12	xxvi	18. A
3135	18. A	s	1	xxv	19. A
3146	17. A	s	12	xxvi	18. A
3154	18. A	s	1	xxv	19. A
3173	18. A	s	1	xxv	19. A
3192	18. A	s	1	xxv	19. A
3203	17. A	s	12	xxvi	18. A
3211	18. A	s	1	xxv	19. A
3230	18. A	s	1	xxv	19. A
3249	18. A	s	1	xxv	19. A
3287	18. A	s	1	xxv	19. A

Iterum ergo expunctis e tua Tabula hisce 27. annis, e tanto numero supersunt 37. quibus xv. Anonymi jure a te culpari videantur.

Verum si iterum hosce 37. residuos examinemus, facile erit agnoscere non tantam in illis exorbitantiam inesse, ut propterea Liliانا Equationum Epocham antiquari debuerit. Sed primò tollendus est ab hoc numero Annus Christi 2555. Non enim d. 9. Aprilis h. o. p. m. noctem Plenilunium celebrabitur, sed d. 8. h. o. p. m. noctem, sive d. 7. h. 12. p. meridiem

uno

uno die citius quàm a te , atque a Clavio in Tabula Festorum mobilium configeretur ; ut perspicuum sit mendum sive Calculi, sive Typographi in hoc Plenilunio contigisse . Id ex subjecto computo liquet .

		Epactæ			
		D.	H.	'	"
Anno 1500.		9.	13.	18.	39.
54.		26.	2.	16.	41.
Feb. Com.		29.	11.	15.	57.
Radix Christi .		16.	18.	12.	30.
Summa.		81.	21.	3.	47.
Revol. Novil.		88.	14.	12.	10.
Novil. Martii St. Jul.		6.	17.	8.	23.
Dies exempti .		17.			
Novil. Martii St. Gregor.		23.	17.	8.	23.
Dim. Lunatio .		14.	18.	22.	2.
Summa.		38.	11.	30.	25.
Dies Martii .		31.			
Plen. April: Style Gregor.		7.	11.	30.	25

Quare cum xv.<sup>a</sup> Lillii sive Anonymi hoc anno te fatente incidat in d. 7. Aprilis, excessivæ præcessionis coargui non poterit . Reliquis ergo 36. annis considerandum est præcessionem xv.<sup>rum</sup> Anonymi nunquam ad biduum ascendere , Pleoiluniis a media nocte computatis ; ex quo fiet ut xv.<sup>um</sup> antevertant eadem a meridie calculata minus quàm d. 1. h. 12. & xiv.<sup>um</sup> minus quàm d. 2. h. 12. , ac consequenter hæc minus distent a suis sedibus in antecessum quàm d. 1. h. 18. Etsi autem tantæ anticipationis Nicæno sæculo exempla non habemus , habemus tamen in Epactis Clavii exempla æqualis posticipationis familiarissima ; quorum 72. solummodo per sex priora a correctione sæcula e Clavii Tabula raptim excerpta ( innumerabilibus aliis per succedentia sæcula omisiss ) tibi repono , ut cum 36. illis ( quos pariter in alia Tabella adjeci ) compensentur . Et denique laterculum alium subiungo annorum octo , quibus Clavianæ xiv.<sup>um</sup> per undecim sæcula a sedibus suis distant in posticipationem ultra d. 1. h. 18. & aliquando ultra d. 2. , ad quam distantiam nulla ex his 36. maximis xiv.<sup>rum</sup> Anonymi anticipationibus pervenit , Ex quibus luculenter apparet nihil hic a Lilio peccari in anticipandis xv.<sup>is</sup> vel xiv.<sup>is</sup> , quod in iisdem retardandis Clavius æquè frequenter , ac gravis non peccat ; atque adeo non multò accuratiorem esse Epocham , ad quam Clavianæ æquationes , quàm eam , ad quam Lillianæ referuntur ; ut propterea non magna fuerit necessitas illam pro hac substituendi , posthabita præsertim Patrum auctoritate , & expresso Gregorii jussu , de quo supra dictum est .

Tabel.



Tabella LXXII. posticipationum Clavii aequalium maximis anticipa-  
tionibus Anonymi in precedenti Tabella descriptis (omissis innume-  
risque deinceps in Tabula fclorum mobilium Clavii occurrentibus) quae  
quidem posticipationes intra vi. tantum priora saecula contingunt.

[illegible]

Ann.	Plenitudo media comparata a meridie.	str. Clavil.	Pedi-cipaciones str. a Clavil.	Pedi-cipaciones str. a Plenitudo.
1828	14 33	A.	16	18
1798	5	A.	6	8
1818	26	A.	17	18
1754	17 17	A.	17	18
1764	6 13	A.	6	8
1802	7 23	A.	7	10
1812	7 19	A.	7	10
1806	7 19	A.	7	10
1806	7 19	A.	7	10

Quodd si cætera omnia paria forent ; neque antiquorum Patrum exemplum Anonymo suffragaretur , jure nihilominus quis contenderet æquationis Epocham talem esse constituendam , ut xiv.<sup>a</sup> potius magis quàm par est Plenilunia antecendant , quàm ut sedem suam consequantur . Cum enim ea sit Epactarum natura , ut lapsu temporis potius in posticipationem prolabantur , quàm ut statum , quem in radice habuerant antevertant , donec per Æquationem denique adhibitam in pristinum restituantur ; commodè accidit ut initio nonnihil ante sedes habitas collocentur , ita enim progressu temporis vitium sese corrigit , & xiv.<sup>a</sup> cum sede sua examussim convenient ; cum verò ex ea iterùm ulterius devolutæ fuerint , opportunè Æquatio superveniet , atque eas , antequam error succrescat , suum in locum restituet . Quodd si ab initio , atque in ipsa radice tardiusculè fiant , magis , ac magis tractu temporis id vitii augebitur , ut jam nimis serò æquatio adhibita videatur .

Addam ne etiam aliam majorem rationem facere pro xiv.<sup>a</sup> anticipandis , quàm pro iis cum Clavio postponendis ? Nam cum tam anticipatio , quàm posticipatio xiv.<sup>a</sup> Cyclaris ab initio ejus desumatur , quoties hoc initium ante Plenilunium ultrà quàm par est acciderit , saltem aliqua xiv.<sup>a</sup> posterior pars minùs Plenilunium antecedit ; contrà si initium xiv.<sup>a</sup> Cyclaris post Plenilunium contigerit , tantò seriùs reliqua ejus diei pars Plenilunium sequetur . Ut si contingat xiv.<sup>a</sup> Cyclarem incidere ex. gr. d. 7. Aprilis , Plenilunium verò accadat die 8. ejusdem hora 23. , & ita Quartadecima media non absolvatur nisi die 8. hora vigesima tertia ; quanquam in hoc casu anticipatio xiv.<sup>a</sup> Cyclaris dicatur d. 1. h. 23. , postrema tamen ejus pars Plenilunium non antecedit nisi h. 23. Contra si supposito Plenilunio d. 8. h. 1. xiv.<sup>a</sup> ponatur d. 9. , posticipatio quidè ejus censetur h. 23. ; sed quo ad extremam partem erit d. 1. h. 23. ; ut constet rationabiliorem esse eam disponendæ xiv.<sup>a</sup> rationem quæ Plenilunia potius anteveniat , quàm quæ consequatur ; & hæc consideratio multoties Paschæ celebrationem in xiv.<sup>a</sup> civili excusare posse videtur , uti de facto ex hoc capite non potest non excusare Clavius Cap. 18. n. 5. Paschata illa , quæ Nicænæ Synodi temporibus celebrata sunt .

Non ignoro quamplures celeberrimos viros , qui de hoc Calendarii negotio scripserunt , paulò aliter in hoc articulo sentire ; & cum nobiscum conveniant tùm in agnoscendis nimis Clavii posticipationibus , Patrum exemplo ; & Gregorianæ menti contrariis , tùm in accusando calculi errore , quæ in Pleniluniis 100.<sup>is</sup> communium commisit ; existimare tamen ; si de Calendario iterùm reformando agatur , non esse Lili Epactas usquequaque servandas , utpote quæ anticipationem aliquando invehant Clavianæ posticipationis serè æqualem . Quod præsertim consilium ed securiùs proponere possunt , postquàm alias rationes valde ingeniosas excogitarunt , juxta quas Epactæ annuè inveniri , & cum motibus cælestibus accuratius conformari possunt . Certè ille , quem merito sæpè laudavimus Illustrissimus Blanchinus in *Paschalis Problematis solutione* , atque in appendicibus egregio huic operi adnexis , expendit an , & quatenus xiv.<sup>a</sup> disponere liceat , quæ sedes suas antevertant , atque in eam inclinat sententiam , ut paulò rigorosiùs cum iis nostro ævo agen-

agendum sit, quam S. S. P. P. temporibus ageretur; quam deinde regulam servat in Cyclo Oclagrammo a se excogitato, ut ope ejus Paschalis solemnitas, absque ullius erroris metu, in perpetuum determinari possit. Quapropter ea que pro anticipationibus Lilianis dixi, nolim ita accipi, quasi contendam non posse Epactarum methodum Liliiana accuratorem excogitari; sed tantum ut constet nihil absurdum, nihil adeo periculosum ab Anonymo in hisce Assertionibus statui, a quo Liliana ratio præ Claviana collaudatur.

Denique concludis Hyppoliti, Eusebii, Theophili, aliorumque ante Dionysium Epochas exemplo nobis esse non debere, cum eorum Cycli constructi sint antequam Ecclesia Græca, & Latina in eodem celebrandi Paschatis die convenirent: contra Nicenæ Synodi decreta. Solam Dionysii Epocham esse servandam, cujus tempore, sublato omni dissidio, utraque Ecclesia in eodem die conspiravit.

Non digrediar hic in asserendis causis propter quas inter Græcam Latinamque Ecclesiam super celebratione Paschatis dissidia vigerunt. Constat ex S. S. P. P. monumentis a P. Bucherio atque ab Eminentissimo Norisio recensitis, ejus dissidii rationes longè alias fuisse ab iis, quas cum Clavio supponere videris, nimirum ab excessiva præcessionem Pleniluniorum Cyclarum, & controversiam omnem vel circa Paschales terminos nondum pleno consensu receptos, vel circa admittendam, aut excludendam a resurrectionis gaudio Lunam xv.<sup>m</sup> viguisse. Itaque dubitationes illæ, quæ ad aliud Paschalis regulæ Caput pertinebant, tot Patrum exemplis fidem derogare non possunt.

Denique quod a Nicænis Patribus cæterisque antiquioribus norma sumi non debeat Paschatis celebrandi, neque Æquationum Epocha ad eorum sæculum statui; sed ad tempus Dionysii, cujus Canones, posthabito Nicænæ synodi exemplo, servandi sint; durum fortasse videbitur iis, qui legerint Gregorianæ Bullæ verba, ubi de Dionysio verbum nullum faciens, jubet sanctissimus Pontifex Lunam in eum statum restitui, quem tempore Nicænæ Synodi habebat, & a quo per 4., & ed amplius dies prolapsa erat. Durum etiam videbitur illis, qui Clavium legerint Cap. 10. Expositionis n. 8. 9. 10., ubi rationem reddit cur æquationem Epactarum diurnarum, quæ Calendario adscribuntur, fecerit potius in Epactis xxv. 25. quàm in Epactis \*, ubi aperte docet: se id fecisse, ut Lunationes Paschales magis congruentes efficiantur Lunationibus Aureorum numerorum Concilii Nicæni, cujus decreta, & sanctiones in omnibus; quo ad ejus fieri posuit, & par fuit, & retinuisse se professum.

## IX. Assertio Anonymi.

Antiquissimus omnium qui supersunt Canonum est S. Hippolyti Episcopi Portuensis, qui ejus statuae Marmorae vetustissimae in Bibliotheca Vaticana nunc expositae, Graece inscribitur. Is xiv.<sup>ma</sup> Paschalem anno primo Alexandri Imperatoris, Christi 222. habuit Idibus Aprilis Sabbatho, cujus merities Romae praecessit Plenilunium medium h. 6. Verum in annis sequentibus crevit praecessio, donec ejus incrementum, ob Cyclum adhibitum annorum 16. plures dies excesserit, nisi nova Epocha fuerit restitutus.

**R**espondes Canonem S. Hippolyti non debere esse normam Calendario Gregoriano; nam in hoc non prohibetur celebratio Paschatis die Plenilunii medii, sed solum in xiv.<sup>ma</sup> vel antea; contra S. Hippolytus, quoties xiv.<sup>a</sup> in Sabbathum incideret, non die Dominico sequenti, sed Luna xxii. Festum indicebat:

Et hoc quidem totum Anonymus libenter concedet; non enim contendit Cyclum S. Hippolyti ab Ecclesia observandum esse, aut xv.<sup>am</sup> a die Paschatis excludendam. Tantum asserit S. S. P. P. nunquam de praecessione xiv.<sup>am</sup> evitanda fuisse sollicitos, sed potius in Epocham Cyclorum suorum tales annos elegisse, quibus praecessio haec manifestissima sit; & quia inter Cyclos SS. Patrum, quorum memoria extet, antiquissimus est S. Hippolyti Cyclus, idcirco ab eo incipit hanc praecessionem ostendere, quae plane negari non potest.

Quod autem S. Hippolytus adeo a xiv.<sup>ma</sup> abhorrerit, ut potius Pascha ex xv.<sup>ma</sup> in xxii.<sup>am</sup> rejecerit, id scilicet fecit quia nondum ab Ecclesia dirempta fuerat controversia circa hoc vigens, & nondum sancitum ut xv.<sup>ma</sup> in Paschalem diem reciperetur. Declaravit deinde Ecclesia usu, ac consensu suo xv.<sup>am</sup> recipi, atque in hoc S. Hippolyti exemplum non esse attendendum; at praecessionem xiv.<sup>ma</sup> esse evitandam, imò affectandam posticipationem, non declaravit; sed illam potius, quam hanc usu, ac consensu suo confirmavit, ut ex sequentibus Patrum exemplis videre est.

## X. Assensio Anonymi.

Post Concilium Nicænum, quod Pascha eodem die, quo Romæ ab omnibus celebrandum edixit, ejusque supputandi onus injunxit Præsulibus Alexandriæ, utpote Urbis rei Astronomicæ disciplina clarissimæ, xiv.<sup>a</sup> Paschalis ea regula determinata, quæ, ut inquit Dionysius Exiguus, ab ejus Archiepiscopis, S.S. Athanasio, Theophilo, & Cyrillo servata est, anno Christi 326. fuit d. 2. Aprilis, cujus meridies Romæ Plenilunium medium sesquialtera die præcessit.

**R**espondeo: ex eo quod Concilium Nicænum definierit Pascha eodem die, quo Romæ ab omnibus Christianis debere celebrari, evidenter deduci debet Paschales ab Alexandrinis determinatas, qui ab Ecclesia Occidentali non erant observati, non esse secundum mentem Concilii Nicæni. Ex qua responsione statim infero: Ergo dies Paschales ab Alexandrinis determinati saltem quoties ab Ecclesia Occidentali observabantur, erant secundum mentem Concilii Nicæni. Sed etiam iis annis xiv.<sup>ma</sup> plerumque præcedebant Plenilunia uno die, & ultra; ergo quoddam xiv.<sup>ma</sup> præcedant Plenilunia tanto tempore est secundum mentem Concilii Nicæni. Constat hoc præsertim anno 326., quo xiv.<sup>a</sup> incidit in diem 2. Aprilis, & præcessit d. 1. h. 14. Plenilunium, quod 3. Aprilis h. 14. commissum est, & tamen Pascha celebratum fuit d. 3. Aprilis, atque idem de aliis pluribus annis verificatur.

Deinde ex eo præcipue quod Concilium Nicænum definierit Pascha eodem die, quo Romæ ab omnibus Christianis celebrari; non magis deducitur dies Paschales ab Alexandrinis determinatos, quam a Latinis esse adversus mentem Concilii Nicæni. Non enim hoc definivit: eos dies Paschales fore, quos Latini determinassent, sed quos ritè determinatos acceptassent, eos per totum Orbem servari præcepit. Determinandi autem Paschalis diei curam tantum abest ut Latinis dederit, quin potius ab Alexandrinis secundum Lunæ computosea in Urbe magis quam Romæ tunc exploratos rem confici jussit. Verum equidem est, quoddam hæc ipsa determinatio penderet ex Paschalibus terminis, & Luna xv.<sup>ma</sup> in diem Paschalem recipienda, vel ab eo excludenda, & de his inter Alexandrinos, Latinosque non conveniret, neque Concilium circa hoc satis apertè mentem suam declarasset, fieri poterat Pascha ab Alexandrinis ritè secundum eorum regulas determinatum, Latinis legitimum non videri, sed alium diem pro Paschali solemnitate constitui, qui ex adverso Alexandrinis legitimus non videretur. Quo casu mens quidē expressa Patrum hæc fuerat, ut quod Romæ indictum esset per universum Orbem servaretur, at non propterea Paschalis dies Latinorum potius, quam Alexandrinorum menti conveniens, secundum Concilii mentem dici poterat. Eo prorsus modo, quo proximis ante Gregorianam correctionem annis Pascha per universum Orbem celebrari par erat quo die a Romana Ecclesia indicabatur, ab hac tamen rectè indictum censi non poterat, cum Cyclus aut rei numeri nimium jam a Lunaribus motibus evagaretur.

Sed

Sed tu ipse, ut puto, id agnoscis, allegas enim verba Hilari, quibus aperte testatur : *neutram partem dum impugnatur ab alia putari evidenter adstruere hujus observantiae disciplinam* : neque præcisè contendis ritum Ecclesiae Latinae fuisse juxta mentem Concilii ; sed tantum non fuisse contra disciplinam Ecclesiae universalis . Mirum tamen videtur quod inde colligis, nempe *dies Paschales tam secundum ritum Ecclesiae Graecae, tam secundum ritum Ecclesiae Latinae, non esse secundum decretum Concilii Niceni*. Si enim neutro modo Paschalis dies ad mentem Concilii fuit, qualis denique legitimus Paschae dies dici poterat ? Cautius ergo quis dixerit utrumque ritum fuisse secundum mentem Concilii, quatenus Pascha sic determinatum a Romana Ecclesia approbaretur.

Ceterum quidquid de hoc sit, controversia inter Latinam, & Graecam Ecclesiam nunquam ex eo Capite insurrexit, quod xiv.<sup>ma</sup> ab Alexandrinis ultra quam par esset Plenilunio anteponerentur, & saepenumero Pascha ab Ecclesia universalis celebratum legimus juxta Cyclos, qui xiv.<sup>ma</sup> uno die, & ed amplius præponebant.

Tandem ais Dionysium, virum græcè latinèque doctum novos Canones conscripsisse ab utraque Ecclesia probatos usque ad Gregorium XIII. & Epocham ejus Cycli esse veram Romanam, atque ab omnibus Christi-fidelibus assumptam ad mentem Concilii Niceni tamquam legitimam, ac sine ulla controversia observatam, quod de nulla alia Epochâ verificatur.

Respondeo Dionysii methodum, quasquam nihil novi quo ad substantiam contineret, & Cyclum tantummodo XCV. annorum a Cyrillo introductum restauraret, retentis xiv.<sup>ta</sup> in eo statu, in quem prolapsæ tunc erant, meriti tamen ab Ecclesia receptam in ea temporum conditione, qua neque illa xiv.<sup>ma</sup> retardatio atque a Nicena sese deturbatio manifesta erat, neque ulla certior, aut facilior inveniendi Paschatis regula suppetebat. Quemadmodum tamen tractu temporis Dionysiana illa regula a cælo vehementer dissentire agnita est, & correctionem requirere ; ita in hac ipsa correctione distribuenda, ejusque Epochâ eligenda, religionem nullam esse, ut Dionysii potius quam vetustiorum Patrum exempla sequamur, jubente præsertim Gregorio decimotertio apertissimis verbis, ut Quartedecimæ Paschales in eundem quem tempore Nicæni Concilii sepe dicti habuerant statum, in nova Correctione restituerentur, quæ declaratio tanti est, ut integrum nobis non sit eas ad Dionysiani temporis statum reducere.

## XI. Assertio Anonymi.

Quas S. Ambrosius in Epistola ad Episcopos per Æmiliam constitutos commemorat xiv.<sup>ma</sup> Paschales, ab anno 360. ad annum 387. cum plerique Episcopi Romanę Ecclesię etiam post Alexandrinorum definitionem suam expectarent sententiam, Plenilunium medium in meridie Romę prevenisse deprehenduntur.

**R**espondes S. Ambrosium determinavisse xiv.<sup>ma</sup> ex Cyclo decennovennali, quem in perpetuum duraturum supponeret, ut constat ex Epistola ejus 82. de celebratione diei Paschalis, & cum Ambrosio reliquos Patres idem credidisse; unde evidens esse defectum xiv.<sup>ma</sup> Paschaliū, quę post 312. annos equatione unius diei indigent, Conciliū Nicęni tempore incognitum fuisse, & eo sæculo xiv.<sup>ma</sup> Paschales sæpius uno dię, multoties biduo Plenilunia præcessisse, quare eas non esse in exemplum trabendas in constructione Calendarii perpetui.

Verūm, pace tua, V. Cl., responsio hæc a re de qua agitur disparatissima est. Non contendit Anonymus regulam, quā S. Ambrosius ad Paschæ celebrationem utebatur esse perpetuam atque infallibilem, neque ideo eam, aut reliquos P. P. allegat ut eorum Cycli loco Epactarum ab Ecclesiā in usum revocentur; sed ut ostendat eos solitos fuisse statuere xiv.<sup>ma</sup> potius ante, quā post Plenilunium, ut supra se demonstraturum receperat. Planē quocumque Cyclo sive perpetuo, atque certo, sive temporario, & imperfecto, uterentur Ambrosius, atque alii S. S. P. P.; poterant ejus Epocham ita constituere, ut xiv.<sup>ma</sup> inciderent in tempora Pleniluniorum, vel ea consequerentur; & tamen hoc non fecerunt, sed potius xiv.<sup>ma</sup> Plenilunio ultra diem solidum anteposuerunt. Ergo mens atque usus Ecclesię, non fuit xiv.<sup>ma</sup> Plenilunio postponi, sed anteponi.

Deinde, si tua hæc responsio aliquid contra Anonymum faceret, eodem jure contra te militaret. Nam neque Dionysius Exiguus (quem tanti facis, ut ejus exemplum tot S. S. P. P. auctoritati præferendum putes) agnovit defectum xiv.<sup>ma</sup> Paschaliū in Cyclo suo, sed eum censuit regulam certam atque perpetuam xiv.<sup>ma</sup> invenienda. Imò neque post Dionysium per aliquot sæcula nota fuit Aurēi Numeri posticipatio, adeo quidē, ut Beda, cujus denique tempore manifestissima illa erat, multum se torserit in excogitandis rationibus, quibus Cycli decennovennalis regula, quam infallibilem censebat, cum lunaribus Phænomenis conciliaretur. Si itaque Ambrosii, & Antiquorum exempla eo titulo in normam sumi non possint, neque Dionysii exemplum majorem securitatem habebit.

Addis ex allegata Epistola 82. S. Ambrosii apertè colligi xiv.<sup>ma</sup> ita in Calendario distribuendas, ut Sanctum Pascha celebretur potius post Plenilunium verum, quā antea; ait enim: *hæc lex Paschæ nobis servanda est ut non xiv.<sup>ma</sup> observemus in die Resurrectionis, sed in die magis Passionis, aut certè aliis proximis superioribus diebus.* Sed respondeo hanc Ambrosii auctoritatem,

si in-

si intelligatur de excludenda a Paschali solemnitate Luna xv.<sup>ma</sup> nimis probare, cum contrarius usus ab Ecclesia receptus sit. Itaque non aliter intelligenda sunt Ambrosii verba, quàm ut xiv.<sup>ma</sup> a gaudio Resurrectionis excludatur, quod utique cum Liliis Epactis fieri potest, respectu xiv.<sup>ma</sup> Cyclaris, & ut plurimum etiam respectu medius, licet ex Cycli imperfectione quandoque contingat xiv.<sup>ma</sup> mediam aliquas horas cum die Paschæ communes habere, quemadmodum Nicæno sæculo factum.

## XII. Assertio Anonymi.

Canon Paschalis annorum 100. a Theophilo, munere a Nicæno Concilio Alexandriæ tradito surgente, hortatu Theodosii Imperatoris anno Christi 380. editus, & S. Ambrosii usu comprobatus, ejus anni xiv.<sup>ma</sup> Paschalem habuit d. 5. Aprilis, cujus merides d. 1. Plenilunium medium præcessit.

**R**espondes Theophilum non deduxisse xiv.<sup>ma</sup> e Cyclo decennovennali, neque ex alio etiam vero, unde ejus xiv.<sup>ma</sup> intervire non posse præ regula Cycli Epactarum, quæ perpetuè indicare debent xiv.<sup>ma</sup> Paschales, itaut quantum possibile est verificetur Sanctum Pascha non celebrari ante Plenilunium medium.

Sed quidquid de his sit, exemplum Theophili non est adeo ad unguem observandum, ut si ille Cyclos omnes posthabuerit, etiam nunc Cycli ab Ecclesia eliminandi sint; aut si ille Cyclis minus idoneis usus sit, iisdem nos uti conveniat. Tantum observandum; etiam Theophilum in hoc cum aliis P. P. convenisse, ut cum posset xiv.<sup>ma</sup> Paschales paulò seriùs collocare (& quidè tanto liberius, quanto juxta doctrinam tuam Paschales regulas ab omni Cyclorum lege solutas tradere proposuerat) voluerit nihilominus ipso primo anno Canonis sui xiv.<sup>ma</sup> per diem solidum Plenilunio anteposere. Hoc isquam, nec quidquam aliud Anonymus postulat, & eodem prorsus modo argumentatur, quo tu ipse, V. Cl., in responsione tua uti soles. Neque enim tu, ut arbitror, Dionysii Exigui Cyclum pro certa, & perpetua Paschatis inveniendi regula obtrudere nobis voluisti, cum notum sit xiv.<sup>ma</sup> per hunc Cyclum inventas spatio 312.  $\frac{1}{2}$  Annorum uno die sedes suas retardare. Hoc tamen non obstante inculcas Dionysii exemplum in eo esse attendendum ut xiv.<sup>ma</sup> Plenilunio non multum anteposantur. Eodem ergo jure Anonymus agnoscit Antiquiorum Cyclos insufficientes, atque erroneos, sed quo ad eorum Epochas, cum hæc arbitrarie essent, & tamen semper in iis xiv.<sup>ma</sup> Pleniluniis antepositis fuerint, merito Clavium culpat, quod ab hoc exemplo recesserit.

Itaque non immorabor in iis expendendis, quæ hic affers ut ostendas Theophili errores in eo, quod falsè supposuerit Æquinoctium d. 21. Martii perpetuè affixum, item Pascha celebrari non posse in Plenilunio, & Plenilunii diem eundem esse cum xiv.<sup>ma</sup>; hæc enim adversum nos nullatenus faciunt.

Tan.



Tantum monebo ea, quæ in fine hujus responsionis attulisti, adeo Clavio non favere, ut contra eum vel maximè pugnent. Ais Reformatores Gregorianos in dubiis postponere semper diem Paschalem, etiam quando necessitas urget usque ad 11. Mensem, alludens procul dubio ad illa verba hypothesis eorum primæ per te allatæ; *in Paschatis celebratione minus erratum est si in secundo Mense, quàm si in duodecimo Pascha celebretur*; & hoc conforme esse autumas exemplo Theophili, quod hac in parte Gregoriani Reformatores secuti sunt, cum in alijs sequi non potuerint. Hoc inquam maximè contra Clavium pugnat. Nam quantò cautius Gregoriani Reformatores in illis hypothesis 11. Mensem evitaturi, potius in 11. Pascha differri præcipiunt, tantò pejus cum Clavianis Epactis actum est, quæ ita comparatæ sunt, ut periculum omne celebrandi Paschatis 11.º Mense egregiè declinaverint, utpote quæ illud in 11.º sæpe conjecerint, ut supra demonstratum est.

### XIII. Assertio Anonymi.

S. Cyrillus ejus in Alexandrina sede successor Theophilanum Canonem ad Cyclum annorum 95. redegit, quem auspicatus est ab anno Christi 437. in quo 14.ºº Paschalis fuit d. 5. Aprilis, cujus meridies præcessit Plenilunium medium horis 26.

**R**espondes Gregorianos Reformatores Cyrilli doctrinam aut Cyclum merito imitatos non fuisse; non modò enim hunc Theophili Cyclo deteriore extitisse (Theophili tamen Cyclum ullum fuisse paulò ante negaveras) sed neque Patres Latinos, neque Græcos omnes tali Cyclo usos esse, & Cyrilli doctrinam non esse secundum Ecclesiæ usum, eò quod ille Quartadecimam cum Plenilunio confunderet, & Pascha in Plenilunio non celebraret.

Verùm ex iis quæ ad præcedentes responsiones copiosè dicta sunt, liquidò constat hæc omnia, si vel maximè vera sint, contra Anonymi sententiam nullatenus militare.

## XIV. Assertio Anonymi.

Theophilanus Canon unde is fuit crutus summa S. Leonis Papæ vigilantiâ, annis Christi 453. & 454. suis ad S. Proterium Alexandriæ Episcopum monitis, interposita Martiani Augusti, & Eudoxiæ auctoritate, & cura Leonis Episcopi, sui apud Imperat.<sup>m</sup> Constantinopoli Legati ad exactissimum examen Alexandriæ fuit revocatus, cumque inventus fuisset rectè, diligenterque compositus, juxta ipsum Pascha anni 455. quod in Occidente in controversiam vocabatur, literis ab ipso S. Leone universis Episcopis Catholicis per Gallias, & Hispanias constitutis, fuit indictum.

**R**espondes S. Leonem iisdem literis testatum esse quid circa solemnitatem Paschalem ejus anni sentiret, neque alia de causa, quàm studio unitatis, & pacis Orientalium definitioni acquisivisse, a quibus ea celebritas viii. Cal. Maii indicabatur. Cæterum mentem ejus fuisse ut Pascha xv. Cal. Maii celebraretur, quo pacto neque in ratione Plenilunii, neque in primi Mensis limite fuisset erratum, auctore Divo Prospero in Chronico, qui etiam disertè addat toleratam potius eo anno, quàm probatam fuisse ab Ecclesia Alexandrinorum determinationem, neque deinceps in exemplum trahendam.

Sed quantum hæc responsio tibi faveat, quæso te, V. Cl., expendamus. Incidit eo anno xiv.<sup>ma</sup> ex Aureo Numero deducta, & Theophilano Canonis conformis in diem Dominicum 17. Aprilis, cujus meridies Romæ h. 10. Plenilunium præcessit, quare nullatenus juxta hanc hypothesein Pascha celebrari poterit d. 17., sed expectandus fuit d. 24. ut Orientalis Ecclesia definierat. Quod si ergo, hoc non obstante, S. Leo ex sententia sua Pascha celebrare maluerat d. 17. ut ex Prospero autamas, oportet eum usum fuisse xiv.<sup>ma</sup>, quæ præcederet d. 17., & incideret saltem in d. 16. Quare tantò magis xiv.<sup>a</sup> a S. Leone supposita Plenilunium præcessisset, quàm ea, quæ ab Alexandrinis proponebatur. Itaque tantùm abest ut Leonis mens tibi prosit, quin sententiæ tuæ maximè contrarietur; tu enim xiv.<sup>ma</sup> Plenilunio anteponi ægrè fers; ille autem, ut ostendi, utitur xiv.<sup>a</sup> quæ plusquam uno die Plenilunium præcedit. Et profectò in responsione ad Assertionem sequentem id agnoscis, ubi fateris S. Leonem in hoc dubio, jure optimo eam partem denique elegisse quæ potius Pascha 7. diebus postponeret; ut mirum sit quomodo nunc D. Leonis assensum veluti pro bono pacis extortum, ejusque exemplum quasi non imitabile tantopere exaggeres. Sive igitur potior erat Latinorum Cycli, juxta quem xiv.<sup>ma</sup> incidebat ante diem 17. Aprilis, sive Alexandrinorum, a quo in d. 17. referebatur, semper manet xiv.<sup>ma</sup> anni 455. saltem h. 10. Plenilunium medium antecessisse, quemadmodum Anonymus asseruit.

Ceterum quæ adversus hoc Pascha habet S. Prosper minimè attendenda sunt, cum ille loquatur juxta regulas Paschales a Latinis propositas, quæ Alexandrinorum regulis longe deteriores erant, & propterea in Ecclesia antiquatæ sunt.

## XV.

## XV. Assertio Anonymi.

Fuit eo anno Luna xiv.<sup>ma</sup> ut testatur S. Proterius in Epistola ad S. Leonem xv.<sup>o</sup> Cal. Maii, cuius merides Romæ invenitur præcessisse Plenilunium medium h. 10., quantum ferè merides diei 3. Aprilis anni 1700. præcedet Plenilunium medium. Quo mirabili consensu iterùm videtur proclamare S. Leo Sum. Pontif. d. 3. Aprilis anni 1700. in xiv.<sup>ma</sup> Paschalem esse accipiendam, adeoque Sanctum Pascha die sequenti 4. Aprilis esse celebrandum, juxta methodum, & Tabellam compendii a Gregorio Sum. Pontif. ad Principes Christianos, & ad celeberrimas quasque Academias missi; nec standum patentissimis erroribus calculi in supputatione Pleniluniorum annis 100.<sup>mis</sup> non bissextilibus in alia Tabula commissis. Illi Tabulæ conformis est ea, quæ ab anno 1583. deinceps fuit adhibita, quo etiam anno xiv.<sup>ma</sup> Paschalis in meridie Romæ præcessit Plenilunium medium h. 18.; quare si Epactæ accipiantur adhuc usque ad annum 1799. ex Tabella Breviario Romano inserta, quæ ab anno Correctionis Gregorianæ hucusque infervit, xiv.<sup>ma</sup> Paschales in eodem ferè ad Lunam positæ futuro sæculo perseverabunt, ac sæculo S. Leonis magni, cuius auctoritate Romana Ecclesiæ Paschales Alexandrinorum regulas, quas nunc servat, Latinorum regulis, quando ab ipsis discrepant, cæpit præferre.

**R**espondes Censorem in hac Assertione, non modò falsò supponere Plenilunium medium Gregorianum, & Ecclesiasticum anno 1700. fuisse d. 3. Aprilis (de quo tamen supra ad Assertionem 111. factis dictum existimo) sed falsò etiam ex hoc inferre quod S. Leo iterùm proclamare videatur Pascha Anni 1700. d. 4. Aprilis celebrandum fuisse. Siquidem S. Leo Theophili Canonem sequutus Pascha postposuit per d. 7. & xiv.<sup>am</sup> per d. 1. respectu Cycli Latinorum, in quo tam xiv.<sup>mo</sup>, quàm Pascha prius adnotabantur; quare exemplo suo potius insinuavit xiv.<sup>am</sup>; & Paschalem solemnitate differendas esse, quàm justò maturius indicendas. Hinc Gregorium XIII. inducis pro Cycli sui indemnitate perorantem ad Sanctiss. Pontificem Clementem XI. iisdem verbis, quibus S. Proterius usus fuerat ut Leoni necessitatem dilationis hujus indicaret; nam quemadmodum anno 455. dilata fuit Paschæ solemnitas in diem VIII. Cal. Maii, quia Luna xiv.<sup>ma</sup> incidebat in diem Dominicum xv.<sup>o</sup> Cal. Maii, ita anno 1700.; quia xiv.<sup>ma</sup> incidit in diem Dominicum 4. Aprilis, propter Epactam IX. in sequentem Dominicam 11. Aprilis Pascha transferendum erit.

Verùm vehementer timeo, V. Cl., ut Gregorius pro Cycli sui indemnitate simili oratione ad Clementem XI. usus esset. Neque enim video quàm efficaciter hunc Cyclum tueri posset supponendo id ipsum quod queritur; nempe Epactam anni 1700. esse IX.; neque arbitror Gregorium agiturum pro suo talem Cyclum, qui ejus menti de Epactis toto quadriduo multatim apertissimè adversatur. Allegaret potius Bullam Correctionis ab ipso editam, & miro Christiani Orbis consensu receptam, rogaretque Sanctissimum Pon-

Pontificem Clementem ; ut posthabitis Clavii mutationibus , quæ nulli fundamento nituntur , & cum erroneis Pleniluniorum calculis connexæ sunt , Bullam ipsam juxta germanum , syncerumque ejus sensum executioni mandari præciperet .

Sed hoc dimisso , certum est S. Leonem assumpsisse in *xiv.<sup>am</sup>* eum diem , cujus merides h. 10. Plenilunium medium præcedebat , nempe d. 17. Aprilis . Ergo quoties die aliqua continget Plenilunium Paschale h. 10. post meridiem , juremeritò contendemus exemplo S. Leonis eum diem assumi debere in *xiv.<sup>am</sup>* Paschalem , si hoc contingat aliquo anno sæculari , in quo agatur de Equatione facienda , vel omittenda , ut exinde reliquorum annorum ratio deducatur . Ergo cum anno 1700. d. 3. Aprilis hoc contigerit , juremeritò d. 3. Aprilis in *xiv.<sup>am</sup>* Paschalem a Lilio , & ab Anonymo electa est , & consequenter Epacta non erit IX. , at X. Hic est legitimus usus exempli S. Leonis , quem Anonymus hac assertione proponit .

Lufum autem querere videris , V. Cl. , dum exemplum hoc in Anonymum retorques ea ratione , quòd quemadmodum S. Leo ex duobus diebus Paschalibus anni 455. eum elegit , qui octiduo posterior erat , & *xiv.<sup>am</sup>* uno die tardiozem habebat , ita par fuerit anno 1700. ex duabus Epactis IX. & X. eam præligere , quæ *xiv.<sup>am</sup>* uno die retardaret ; non enim retardationem hanc , sed majorem eum motibus celestibus conformitatem spectasse censendus est S. Pontifex ; neque Anonymus contendit *xiv.<sup>am</sup>* Plenilunii studiosè anteponeudas esse ultra unum diem , sed negat studiosè , ut Clavius facit , differendas . Itaque anno 455. *xiv.<sup>am</sup>* plenilunium incidit in d. 17. Aprilis h. 10. utique conveniebat in *xiv.<sup>am</sup>* potius eligi d. 17. quam 16. , & consequenter Pascha differri ad d. 24. , cum d. 17. esset Dominicus ; sed d. 18. in *xiv.<sup>am</sup>* eligi par fuisse , hoc est quod Anonymus negat . Quare ex eadem ratione , cum anno 1700. Plenilunium accidat d. 3. Aprilis h. 10. , non adeo anticipationem afficet Anonymus , ut velit eligi in *xiv.<sup>am</sup>* d. 2. , sed d. 3. ; diem certè 4. eligi , ut a Clavio factum est , S. Leonis exemplo repugnare affirmat .

Pergis porrò , &prehendisse tibi videris in verbis Anonymi repugnantiam . Cum enim ille suprà dixisset Epactas Gregorianas , & consequenter *xiv.<sup>as</sup>* Paschales , esse uno die tardiores , quàm conveniat , fateri nunc eum primò *xiv.<sup>am</sup>* Paschalem Gregorianam in meridie Romæ præcessisse Plenilunium medium h. 18. , quod est tempus exactum , ut *xiv.<sup>ma</sup>* suo in loco fir .

Sed profectò nulla talis est in verbis Anonymi repugnantia . Nullibi enim asseveravit Epactas , seu *xiv.<sup>mas</sup>* Clavianas omnes , & semper esse uno die tardiores , quàm opus sit ; sed tantum maximam earum partem talem esse . Ceterum Epactalis Cycli natura ea est , ut quemadmodum posticipatio aliquibus annis evitari in eo non potest , etiamsi Epocha nonnihil Plenilunium anteverat , ita anticipatio aliquibus annis ex necessitate contingat , etiamsi radix paulò tardior statuatur . Anno autem 1583. fortè accidit ut *xiv.<sup>ma</sup>* Clavii exactè sedem suam custodiret , & præcisè Plenilunium antecederet h. 18 ; hoc tamen non tollit quin Epactæ Clavii absolutè tardiores justo , & studiosè , ut ipse fatetur , dilatæ censendæ sint , quia scilicet plerique an-

H  
nis

nis tales sunt. In quo tamen advertendum longè evidentiorē esse earum retardationem quibuldam sæculis quàm aliis, equationis ratione ita ferente; & equidē excusabilem hanc cēferi potuisse ab anno 1583. ad 1700. sed hoc demum sæculo factam esse nimiam atque immanem, propter equationem in sequentē 100.<sup>um</sup> dilatam. Quapropter Anonymus benignè hic cum Clavio acturus, Epactarum ejus, quæ ab anno 1583. ad 1700. usurpatæ sunt, retardationem dissimulat, & ipsam primī anni Epactam in exemplum producit, quæ fortè omnium per id temporis accuratissima extitit; reliquas verò post annum 1700, vel saltem plerasque earum, utpote enorminuscule retardatas impugnat.

Pergis futurum fuisse ut elapso sæculo, si Gregorius usus fuisset Tabellis illis, quæ in Compendio Calendarii ad Christianos Principes missæ fuerant, Pascha sæpè celebraretur ante Plenilunium medium, & in xiv.<sup>ma</sup>; imò ut ipsa xiv.<sup>ma</sup> primī anni a correctione 1583. præcederet Plenilunium h. 42. seu numerando a media nocte h. 54.

Sed respondeo ostendisse me supra ad Assertionem vii., quatenus xiv.<sup>ma</sup> in Paschali solemnitate præcavenda sit; neque quidquam magis absurdum contingere potuisse servatis Epactis, aut Tabellis compendii, non modò superiore sæculo, sed & reliquis, quàm quod primis post Nicœnam Synodum annis sæpissimè continebat.

Denique Chronologicum lapsum Anonymo imputas, quasi ille dixerit sæculo S. Leonis Magni Paschales Alexandrinorum regulas fuisse in usu; ais enim nedum Leonem, sed & Hilarum Leonis successorem, aliis regulis usos esse, & hunc præsertim, quem Victorii Canonem introduxisse ab Historicis traditum est.

Verùm hæc quoque difficultas tollitur ex ipsis Anonymi verbis; non enim dixit tempore S. Leonis Paschales Alexandrinorum regulas universali Ecclesiæ usu receptas fuisse, sed cepisse Ecclesiam Leonis auctoritate Paschales Alexandrinorum regulas Latinorum regulis anteferre, quod utique negari non potest, cum de factò S. Leo Theophili Cyclum Latinorum Cyclo anteposuerit in definiendo Paschate anni 455.

## XVI. Assertio Anonymi.

Nec quisquam rectè dixerit in usu non esse tantas xiv.<sup>um</sup> Paschaliū respectu Plenilunii mediū anticipationes, quantæ fuerunt quæ a Concilio Nicæno, Sanctisque Patribus Athanasio, Ambrosio, Theophilo, Cyrillo, Leone Magno, & ab ipso Gregorio XIII.; primo statim ab ejus correctione anno, in ejus usum fuerunt adhibitæ.

**R**espondes Cyclos S. S. P. P. Ambrosii, Theophili, & reliquorum tam ex Alexandrinis, quàm ex Latinis non fuisse perpetuos, quia nullam Equationem Lunæ supposuerunt.

Et hoc utique extra controversiam est, neque ab Anonymo impugnatur; cui propositum non est, ut sæpè dixi, Cyclos eorum in usum trahere, sed tantum Cyclaris Epochæ normam ab eorum exemplo deducere, ad imitandum, quan-

quantum fieri potest priscum Ecclesie institutum . Certè neque Dionysii Cyclus perpetuus fuit, & tamen non dubitas asserere xiv.<sup>m</sup> ad Epocham ejus sæculi referendas . Sed satis de hoc supra .

Addis deinde S. S. P. P. nunquam usos esse Epactis veris ad examen xiv.<sup>m</sup> Paschaliū , sed solum Epactis vulgaribus , allegasque in hanc rem Middelburgensem Paulinæ lib. 11.

Sed primum peto an S. S. P. P. examinaverint unquam xiv.<sup>m</sup> Paschales , quæ a Cyclis offerebantur ? Planè non alia de causa tot Cyclos excogitabant, tot ab aliis excogitatos rejiciebant, vel amplectebantur , quàm quod agnoscerent alios aliis accuratiores, & Cœlo conformiores esse . Hæc autem conformitas agnosci non poterat , nisi vel per calculos Lunarium motuum, qui ex Tabulis Epactarum verarum, vel aliis æquivalentibus deducuntur ; vel per immediatam observationem Pleniluniorum, aut Noviluniorum in Cœlo . Non enim dici potest xiv.<sup>m</sup> ab ipsis examinatas fuisse ope Epactarum vulgarium , seu Cyclarium , quia xiv.<sup>m</sup> his Epactis semper conformes sunt , cum ex ipsis deductæ sint . Ergo necesse est S. S. P. P. in Cyclorum electione, atque usu Lunares motus aliquo tandem pacto consuluisse . Itaque dum Paulus Middelburgensis testatur consuetudinem Ecclesie esse ut horæ, & horarum fragmenta in hoc negotio negligantur, non loquitur de examine Cyclorum, quod sine his horis, & horarum fragmentis minimè fieri potest ; sed de indicendo quotannis Paschate , quod procul dubio non ex calculis subtilioribus , sed ex Cyclo semel ritè constituto , atque examinato semper celebratum est . Neque Anonymus huic usui repugnat , quasi laborer Cyclos ab Ecclesia eliminare, sed Claviani Cycli , aut potius Equationis Clavianæ methodum , quæ & Cælestibus motibus, & Patrum usui, & Gregorianæ menti adversatur, exagitat .

Urges : evidens esse S. S. P. P. non modò non cognovisse xiv.<sup>m</sup> Paschales Cycli aurei numeri , post 300. circiter annos posticipare uno die , sed ignotum etiam fuisse illis sæculo Concilii Nicæni multoties xiv.<sup>m</sup> Paschales anticipasse priusquam uno die, & contendis id ex S. S. P. P. operibus colligi, præsertim verò ex Proterio, ac Dionysio, quorum ipsa verba recitas .

Sed neque in verbis a te allatis quidquam tale legitur , neque quisquam sibi persuadebit ignoram fuisse S. S. P. P. adeò evidentem xiv.<sup>m</sup> anticipationem quæ Sæculo Nicæno , aliquando sese ad biduum ascendebat . Non enim magno calculorum apparatu , aut exquisita Astronomiæ cognitione opus illis erat, ut animadverterent Plenilunja, quæ ab omnibus oculatis observari possunt, tanto tempore post xiv.<sup>m</sup> contigisse ; & quatenus subtilioribus calculis fuisset opus , at saltem Alexandrini rem totam levissimo negotio conficerent . Certè nostris temporibus vulgus ipsum Astronomiæ prorsus ignarum agnoscit Epactas Clavii sæpè biduo , aut triduo novilunia consequi , & anno 1700. agnovit evidenter Plenilunium toto octiduo ante Pascha celebratum fuisse , Epactis frustra reclamantibus . Quis ergo dixerit P. P. sanctissimos eisdemque doctissimos, adeò cæcos, caligantesque fuisse , ut rem sub omnium oculis positam non intelligerent ? Equidè concedo ignotum fuisse illis errorem Cycli Decennovennalis , qui adeò evidens non est, neque sensibilis

H 2 fieri

fieri potest nisi post longum temporis cursum; ac propterea legitur in eorum operibus *Cyclum decennovennalem violari nefas esse*, & xiv.<sup>m</sup> per hunc circulum in se redeuntem *stabilis atque immotas suas esse*. Verùm erronea hæc Patrum circa decennovennalem Cyclum sententia non tollit quin manifestissimam xiv.<sup>m</sup> anticipationem agnoscerent, quæ non a Cycli natura, sed ab ejus Epochæ constitutione dependet, & retento decennovennali Cyclo evitari commodè poterat, constitutis una die feriis xiv.<sup>m</sup>, ac Neomeniis. Cum ergo hoc Patres non fecerint, indicio est visam non esse illis exorbitantem hanc anticipationem, atque aded non tantopere a Clavio formidandam. Sed de hoc quoque suprà ad abundantiam dictum est.

Hæc habui, V. Cl., quæ ad doctissimas responsiones tuas pro Anonymo reponerem. Quod unum superest, etiam atque etiam te obsecro, ne ea deteriori in partem accipias, sed eo animo legas, quo scripta sunt: æquo, & ad veritatem præsumptæ opinioni antefereendam paratissimo.

**P**ost hac scripta incidi in *Ephemerides historicae Scientiarum, atque Artium*; quae Trevoltii in Gallia vulgantur *Mens. Jul. 1704.* ubi a pag. 1070. ad pag. 1084. liber tuus refertur, ac pro merito collaudatur. Cujus recensentem avidè cum legerem, unum in ea offendi, quod me vehementer commovit. Ajunt *Ephemeridum* Auctores obijcere te tibi ipsi in eo opere jussum Gregorij XIII ut Epactis 4. dies detraberentur, neque diffiteri tres tantum detractos a Clavio fuisse; atque in hac praesertim objectione amplificanda, tuisque responsionibus huc trabendis pagella octo insumuntur. Itaque miratus si dictum in hoc negotio praecipuum oculos meos effugisset, librum tuum iterùm in manus sumpsi. Sed quantumcumque ejus capita singula, titulos, margines, frontem, calcem, tergum volutaverim, ne vestigium quidem confessionis hujus inveni. Agnovi denique manum Auctorum historiae illius, quibus nocum non est doctrinam vel prorsus alienam, vel interpolatam, atque ad eorum sensum detortam librorum auctoribus imputare. Cujus rei insigne praesertim exemplum suppeditant *Ephemerides Februarii 1704. p. 303.* ubi cum Illustrissimi Blanchini Tabulam solutioni Problematis Paschalis adnexam referrent, Cyclum epus, quem octagrammum discretè inscripsi, per novem, si Diis placeat, literas distributum esse dixerunt, de prompta e penu suo, atque huc intrusa litera I, quae novenarium numerum impleret.

Sed gravius aliquid peccant quoties instituti eorum obliti, atque historiae fines praetergressi vel in aliorum scripta inquirere, vel scriptorum Auctores argutulè notare sibi arrogant; a quo scribendi genere aliarum *Ephemeridum* collectores meritissemper abhorruerunt. Nā videas illos in Despreauxium, Maliabecium, aliosque complures viros omnium judicio celeberrimos calammum stringere, deque eorum doctrina, atque ingenio tanquam e folio pronunciare.

Tantò igitur aequius ferendum est, quòd mihi etiam ignoto homini metum incutere conati sint in *Ephemeride* Aprilis 1704. p. 648. praesertim cum ego prior provocasse eos videri possem, Factum narro non illepidum, ut inter nos qui voluerit judicet.

Retulerant in *Ephemeride* Augusti 1703. p. 1511. literas de hoc ipso Calendarii negotio agentes, quasi a D. Serra ad Illustrissimum Blanchinum scriptas. Quae in ea recensione dixerant adeo inaudita, neque a vero tantum, sed a veri etiam specie remota sunt, ut longè credibilius, aut certè a D. Serra longè optabilius videretur aliena, & supposititia esse. Ergo cum de illo *Ephemeridum* loco Cl. Cassinus me admonuisset, atque ego id Blanchino significasset, negavit hic literas a D. Serra sibi unquam redditas, quae ad Calendarium pertinerent; & mirari se adjecit, in *Ephemeride* Trevoltienſi scripta apocrypha vulgari. Fatebor me, nulla hesitatione interposita, fidem Blanchino praestitisse, neque in mentem venisse mihi, ut ab eo solenne sacramentum, aut publicum Tabularum testimonium exposcerem. Cur enim Viro gravissimo, atque humanissimo non crederem, cum praesertim de ejus factis ageretur, quòd neque si confessus esiet quicquam metueret, neque si negasset quicquam sperare posset? Itaque ad Cassinum ipsi Blanchini verbis rescripsi, quae paulò post Diario eruditiorum Parisiensis ejusdem anni quadragesimo inserta sunt. Ea rei *Ephemeridum* Trevoltienſium Auctores male habuit. Ergo ad Amicos Romanos scribunt. Confessionem juramento confirmatam a D. Serra impetrant; scripsisse se literas illas, ac curasse ut Blanchino redderentur. Tabulae



bulas ea de re conficit Laurentius Rosellius Tabellio publicus . Tum verò in allegata Epbemeride Aprilis 1704. p. 648. pauca de rei gestæ ordine præfati , testes allegant complures ( atque inter eos te ipsum , V. Cl. ) qui Serræ Epistolam Romæ legerant , aut frequenter in cætu legi audierant ; deinde ipsam Serræ confessionem verbo tenuis produciunt , tanquam certissimum eorum fidei testimonium .

Planè si scriptum illud cum Autographo Serræ continet ( de quo tu , V. Cl. judicare poteris , nobis enim ex alia quàm Trevoltiensium assertionem non constat ) si ejus gloriam adeo anxie Serra sibi vindicat , babeat sanè ; neque enim aut Blancbinus , aut ego Blancbini verba repetens eam illi præripere unquam cogitavimus ; ut mirum sit quomodo in hac una probatione Trevoltienſes operam omnem collocaverint . Illud potius in magnifica ista defensione expectandum videbatur ut fateretur Serra , aut alios faterentes induceret literas ejus ad Blancbinum delatas ; vel certè ut allegaret hominem cui deferendas tradidisset , hoc enim denique illud erat in quo omnis questio versabatur . Quorum cum utrumque vel factum impossibile vel periculosum esset , satis habuerunt si Serram literarum Auctorem fecisse se demonstrarent . Sed quando Cbirographis , Testibus , aut publicis confessionibus agenda res est ; primum Blancbini Epistolam , cujus verba ad Cassinum misi , die 2. Octobris 1703. ad me scriptam asseruo ; atque alias saltem tres , quas ad me postmodum in eandem sententiam scripsit . Deinde sexcenti Romæ sunt , qui Blancbinum auribus suis audierunt palam profitemem nullas se a Serra literas unquam accepisse , que de Calendario agerent , ut mihi Clarissimus atque amicissimus Vir P. Alexander Burgos superiore anno , Bononiæ cum esset , narrabat . Denique hoc idem disertis verbis testatus est Blancbinus ipse in dissertatione Theorico practica , quam de Columna Antonini transferenda nuper Hetrusco Sermone edidit parte p. pag. 29. sub finem ; ubi Epistolam illam quasi ad se scriptam , nunquam verò ad se delatam , meritò apocrypham a se dictam esse , Hieronymi exemplo confirmat . Neque scio qua fronte Blancbini dictum in dubium vocaturus sint , qui Serræ testimonio fidem a nobis præstari plenissimam voluerunt .

Ad me porro quod attinet , addunt Trevoltienſes : asseruere se aliam , eamque prolixam Serræ de Manfredio Epistolam , quam tamen quasi existimationi meæ parentem , ac benignè vel cum inimicis æturi Typis committi noluerint . Ego verò neque video quid de me scribi possit cujus editionem metuiere debeam , neque scio an quicquam mihi injuriosius in ea Serræ Epistola , quàm in isto Trevoltiensium scriptorum silentio contineatur . Apocryphum scriptum ab iis relatum esse cum dixi , neque id de cerebro meo commentus sum , sed Auctorem dicti allegavi gravissimum , & certè non cogitavi quicquam existimationis Trevoltiensibus inde imminutum iri , quos tanquam bonos , religiosos , doctosque viros merito semper honore prosecutus sum . Nunc cum Cl. Cassinus dictum meum publicè innotescere voluerit ( quod sine eorum injuria facere potuit ) illi autem rem mecum agere velle videantur , non committam ut eorum minis absterrear , atque ita me geram ut hominem decet , qui neque eorum gratiam anxie captare velit , neque indignationem valde metuiere possit .

F I N I S.







005643159

